

KA DRAMA

U

MIHSNGI

DA

U MONDON BAREH

CHILDRENS BOOKS
State Central Library
Government of Meghalaya
Shillong.

Ka Drama

U

Mihsngi

DA

U MONDON BAREH

(Revised and enlarged)

BY

DR. H. BAREH

*Published by Mrs B. Bareh,
Lum Syntiew, Jaiaw, Shillong*

DIRECTOR OF MEGHALAYA Ka der 2 Tyangka
LOOK

.....

Ka 'Tien Lamphrang.

Ia kane ka kot ym shym la lah pyndep da u Nongthoh namar ba U la lap bakhlad noh na kane ka pyrthei. Kumta ka la shu sah kumto bun bun snem ha ing. Ha ka snem 1962, nga la ioh lad ban bishar bad nga la pyrkhat ba la dei ban pyndep ia ka bad pynmih ia ka. Ha kaba pyndep ia kaba sah (kaba kynthup ia ka jingleh kaba lai), nga la ialeh ban weng katba lah ia kano kano ka jingdkoh khnang ba kan iahap bad ka jingmut tynrai u Nongthoh.

Kane ka jingpyrshang ka long ruh ban pynneh ia ka matti jong i kpa jong ngi, Mr Mondon Bareh iba la thoh katto katne ki kot mynba i dang im. Ngi kyrmen ban pynmih shuh shuh ki jingthoh jong i ki bym pat shym shon haduh mynta..

Shillong
Lber, 15 tarik 1964

Khublei shibun,
Hamlet Bareh.

Ki Briew

U Mihsngi,

Ka Alis (Lit)

U Syntan,

Ka Hui

U Larsing

Ka Symbriah

U Liaw (Doktor)

U Mukta

Ka Serin.

U Sorbong

JINGLEH-I

Jaka I

Ha ka kamra ha ing U Syntan, don halor ka miej u bilor kiad bad ka pliang jyntah, mluh bad sohmynten.

Rung U Syntan bad U Mukta.

Syntan:— (U tan na u bilor)—Ym bang satia me. Nga u ksew jong me, mo lih, me ai sa da ka khapiah haba nga la ong hynnin men leit thied da ka khlieh sniang na Iew-duh.

Mukta:— Nga la wan thied kein, Babu. Hynrei ngam ioh shna bad shet da lade namar ba nga leit on noh ia i kong Hui bad u Babu Mihsngi sha ka shad Nongkrem. Ka motor la pongshor noh bad ngi ia wan poi haduh ynda sepsngi. Ki ia shna noh ki jong i kong Symbriah, bad ynda nga la leit pan na i, i ong ba ym don shuh la lah ia bam lut.

Syntan:— I kmie im don mo lih, ha ñg, ba im da pynbuh ia nga?

Mukta:— I don keiñ, ka ja ka doh ruh i khad te Babu. Hynrei la lut noh khoit ka doh namar ba bun kiba ia bam.

Syntan:— Hangne ha ñg jong nga te sa tang ka lut, me man ka sngi. Balei ba win ka ñg katta katta? Ngan sa kyl-lut hi ngiang ki shkor.

Mukta:— I kong Hui i khot bam ja ia i Babu Mihsngi, bad i Babu pat i wallam sa ia U Sorbong khleh bieit bad ia i Serina, ki ia pynkop lok ia u bad i Serina bad ki ia pynbula laiphew jaid ia u: utei la shu kyrbleb u shu rkhe bad shrie la i kum u 'Niangbuaid jawa.

Syntan:— Me ong ki jong i Babu Mihsngi ki iadon. Khie, Bu, leit khot ia ka Hui hangne. (Mih U Mukta) Kane kawei ka khun te ka ban pyniap ia nga; kaba la sbun dohnud than bad kam kheñ sang ei ei ia ka um syep la u kpa. Ka nud ban pyn bam ja suda ia nga tang ba kan ioh pynbula briew. U khynnah samla baroh ruh u shu iap ngiah ia ka la ka la dap ar-

phew san snem bad ka la iap u wei
u tnga.

Rung Ka Hui, bad U Mukta.

(Ha u Mukta) Khie shuwa me Bu (mih u Mukta).

Ko khun, phi lei phi ia win sat katta
katta, ym sngew nang ioh shong shuh?
Phi la lah ia kdang mo, bad myn-
ta sa ka ia rkhe ia kmen? Ia nga
pat u kpa phi ong yn ia ai tang ka
ja bad ka mluh.

Ka Hui:— Ka Briah kam shym pynsah doh ia-
phi? I mei i la ong ba kan buh byn-
ta nyngkong ia phi.

Syntan:— Phi te khun, tang ka ktien. La ym leh
maphi te phi imat ki don ki ban kyn-
maw ia nga hangne ha ing? Peit sha-
ne, u Mukta u wan ai sa da ka 'kha-
piah kat ia nga u mahajon rangbah ha
sor Shillong.

Ka Hui:— Uto u bitor jongno halor mieh? Ngan
leit noh, men khlem rain. Haba ki
riew don burom surom kat ki jong u
Babu Mihsngi ki nang ia don ha ing,
phi pat jliw jliw ha la poh krem bad
u bitor iong. Kumno ba phim sngew
lehrain ban kam khun ka tia nga ka

thapba-lieh jong ka sor Shillong. (ka leh kum ban leit noh).

Syntan:— Shong, shong, seh khun. Yn lei ka, ia nga u tymmen lada ngan duh doh ruh shisien, ki ong phi ai khana ia i Babu Mihsngi, bad ynda dep ka khana phi, ieng sa ka pynbula ia u 'Sor khleh bieit.

Ka Hui:— I Mihsngi, tad shu poi, i la kylli ia phi, bad nga shu ong noh ba phi dang leit kai. Shu man ka miet' da kane suda ym bit khlad shuh na u bitor iong. Kiba suba suda ba phi dih kiad, naduh ki paithhur haduh ki tymmen basan. Ynda kin ring ia phi sha ka bishar Balang te la kut ka sngi. La kumta ruh phi ong phin ialeh ba ka Balang kan jied tymmen basan iaphi.

Syntan:— Wat da jam eh ko khun. Ym bit ban thad ia ka raiñ la u kpa kum ki khun u Lot. Ki ong ba phi dang iawan khmih shad Nongkrem bad i Babu Mihsngi. Nga i une u Mihsngi te uba da kat u briew shisha. U briew te u ba la ibiang hi nadong shadong, nadun ka burom surcm, ka riam ka beit, haduh ka jingnang jingstad. Ka nia ruh uba don bad u dei ruh u Sohra. Kynmaw ba u Sohra te u Sohra hi.

Haba nga peit lei ha u Babu Mihsngi haba u ieng iathuh khana te, wow ko mei, la i noh kum ka dur Angel naduh ka jingriam haduh ka dur. Haba sngap lei ia kiktien te, la kumba bap ka mana na bneng. Ia ka sur hi te yn nai da ia ong shuh, naduh ka ryndang ruh kaba la kum ka ryndang saheb janai bad ka sur lei lei te la sngew kum ki jingtem bneng hi. Halor ka pulpit u phong kawei ka dur; ha ki kam ki duk pat bad ha ka jingiadei lok dei jor te uba la lah pyniadei naphang, ha ka shynroiñ riap bad ha ka nang rkhi koh-kdek; phi i wei haba la don ma i te ki 'thei samla lei ki shu iap ang iap ngiah khlem da nang khiih shuh. Kane baroh ka mih na ka jingnang lehkpa jong u. Ka tulop ruh kaba la bit hi ia ngi u duk u suk: ki ong u la im shispah pia. Kumno khun, phim don jingmut ban iapynjan shisha noh bad u. Phi don ine i khunrei iba dang ar snem. Nga ruh uba sa tang katno snem eh ngan ioh peit iaphi. To phi khun, ialeh ban ring ia u.

Ka Hui:— Ynnai phi pa sa ia u tymmen; un bsa ia nga ne ia la ki khunrei?

Syntan:— Koit seh khun; tang la ioh ia u briew te ka peisa kan phet shaei. Kynmaw ba ha Ri Khasi, u kynja shynrang baroh uba la shong kurim u dei tang u 'si sam khmut. Tad la ioh suh ka kynthei da i tyllai na ka khmut jongu,

hato un dang phet shaei pat?

Ka Hui:— Lada phet te la dkut thui, phlei sa ka snam huin saw huin, kut artad ka buit ka stad. Hato mano ban tah dawai ia u 'si dkut khmut? Tang ka kynthei ka ban lah ai dawai ia u. Ynda la koit, ka sam pa ka sam khmut biang, Hi, hi, hi, la dei phi pa.

Syntan:— Ha sngap, ka ia rkhe ka ia kmen aiu katta katta. La lah u khleh bieit ia ki riewstad ban kum kata ka rukom. Ia, ia keiñ khun, koit, ngan sa bam ja pat. Ong ia uto u Mukta ba un ot noh da ka syiar. Ngam bynñiaw ei ei lada ngan lut lai dorjon ki khlieh sniang ban ai khana ki khun kat ia u Babu Mihsngi.

(Ki ia mih)

Jaka 2 :— Ha Aspata:

Rung ka Alis (ka shong ha jingthiah):

Ka Rwai:—

Lada ki mawsiang hi kin um,
Ki duriaw de kin rngad,
Ka jingshai jongme kam lah dum,
Ko samla itynnad.

Lang:— Ka jingshai jong me kam lah dum,
Ko samla itynnad.

Haba la ing tyrkhong ka snam,
Ki shyieng baroh la pra,
Ka jingieit jong me ka wallam,
Jingsuk jingtngen ia nga.

Lada sawdong ka pyrthei ngan wad,
Ha ki Ri eh bad jem,
Rynieng kum jong me te kynrad,
Shyrta ngam lah shem.

Rung ka Serin :

Serin:— Waw, ko Lit, phi ioh na-ei kum kata
ka sur jingrwai, kaba la sngew kynjai,
sngewthiang sat.

Alis:— Nga la ap iaphi baroh shisngi: ba nga
shu sngewbtai ban ap, nga shu rwai noh.

Serin:— Ngi ki nors ngi shait rai shaphang ka
jingkhlaĩn jong ki nongpang na ka
ryndang jong phi. Ki briew kiba dang
tlot, ki shait pait sapiet ka ryndang
jong ki haba ki rwai ne kren. Ka
ryndang jong phi kaba la thiang sat
ko Alis ban da la kha iaphi ha Bilat,
te phi la shu khur tyngka da kaba leit
rwai sha ki thiatar. Nga sngewthuh
ba phi la khlaiĩn namar ba ka jingsawa
jong phi ka la tylli bad skhem bha

U Doktor u la ong ba ngin pyllait ia phi sa san sngi.

Alis:— Phi te tang ka pynkhyllew briew barabor, phi dang ia kynduh ne em ia u 'Sor khleh bieit?

Serin:— Dang hynnin nga dang ia kynduh ia u, bad ka iaيد pyrkhung tyrpeng bad pynhiar tymbuit. Nga ong, "shaei phin leit, Babu"? u ong, "wat jam, phi ki khynnah; ngi kiba khraw te ngi iaيد samla kein". Nangta nga iohi u iaيد pyneh, shadem beit sha ing ka Hui.

Alis:— Phi tharai u ibha ia ka Hui ne ia ka Briah?

Serin:— Ka te ka long kum ka kmie ia u ba ka ryta. Hynrei phi iohi, Lit, ka Hui ka dang shu lah khie khynraw arsier kum ka dieng ingkhong kaba la sei sla. Phi tip ba ki sla dieng ingkhong ki jyrngam bad phyrnai shi rukom. Kine ki khynnah samla ki iasop ia ka kum ia ka kiaw ngap. Ka pat ka nang hikai ia ki ia ki buit ia lur samla laiphew.jaid. Hynrei kam treh ban iashong bad uno uno. Imat kumba ka shan khmat pynban ia i kpa jong phi. Hynnin mynmiet ka dang

lah ai ka khana bah ia i jong i kpa jong phi. Wat kum ia nga ka bym da ia jan eh bad ka ruh ka ia khot ei, nga tharai namar ba nga sumar pang ia phi. Namar ba i kpa jong phi i ialok eh bad u Sorbong, ia u ruh ki ia khot tang ban pynbula ia u bad ban pynheh ia ka burom i Babu Mihsngi da kaba ioh ia rkhe kyrkait baroh shi miet.

Alis:— Kata ka bym lah long. kumno i papa in shu da wad briew noh haba i mei dang lah iap dang tang ar bnai? Wat pynbud nam kumne ia i papa.

Serin:— Ko Lit, phi kaba lui lui shisha, bad ngam lyngngoh ei ei ia ka jingbieit jong phi. Phi dei ban kynmaw ba i ba pli i mei jong phi, shuwa ba in iap, i la thiah pang da ki bnai, jan dap shi snem kynthih. Phim kynmaw ia ka jingleh kmie ka Hui ia phi, katba i mei jongphi i dang thiah pang? Tang la poi ka Hui, i kpa jong phi, la i kum ban khie mrad, im tip.briew tip mrad shuh, la i kum u muid bieit kynthei, peit tang ba ki ia shetja, iatheh sha lang, iohsngew sa tang ka rkhe lyn-ter, ih-ih-ih, e-e, ka tang la poi ka Hui uue la shù jakleb kum u bula khleh

bieit. Ki ong ki briew ba shuwa ba in ia poi bad i kmie jong phi, i kpa jong phi i la lah ia lang la biang bad ka Hui.

Alis:— Lada phin shu kren tang ban pynbud nam kha ma kha ia i papa iba pli, ngan takor ia phi Serin.

Serin:— Phi kynmaw i leh kum no ia i kmie jong phi? Ha kito ki miet ba pang shitom i kmie jong phi, phim kynmaw ia ka jingjah miet i kpa jong phi arsien, laisien shi taiew? i leit jah shaei? Ha ing ka Hui. Tad la poi ha ing ka Hui sa tang ka iabrut, ka iabam iadih bad ka ia kik-kik, kak-kak. Bun ki lok ki ngeit ba i kmie jong phi i la iap tang na ka bynta ka jing iaiaid Sew-synrai jong i kpa jong phi bad ka Hui. I bat ka kam kaba don burom, bad i leh riewblei kum u angel jong ka jingshai ha ki jingiaseng; hynrei bun kiba tip ba i long u phutani bah.

Alis:— Ngam lah sngewthuh ia kine kiei kiei.

Serin:— Hynnin mynmiet ki ong u Men Syntan u la shu kyrhuh la byrthen noh teh, namar hana, ba ki pynduh khlieh

sniang ia u. Hynrei ynda u tip ba ka
Hui ka ai khana ia i Mihsngi i kpa
jongphi, u shu jem jai kum u langbrot.

(Ka jingtied ka jingkhang)

Ngan leit noh shuwa ho lok, phi ioh-
ngew ki la khot ia nga.

(Mih ka Serin)

Alis:—

Kane ka Serin lamwir imat ka shu
pynheh ia ka 'tien briew na ka khlieng
ka tyngab. Hynrei lada ki ktien jong
ka kiba shisha, ngan sa kylla lamwir.
Waw, ka jingpynshad pynking ka
pyrthei ia ka khunswet. I doktor i
iathuh hynnin ba ki la lah da ia pyn-
skhem ktien. Waw ko mei baieit jong
nga, to ieng sakhi sa maphi na
Bneng ha kaba phi la lait na ki jingleh
bein baroh jong u briew. Phi dang lah
iap dang ar bnai, hynrei une u kpa
khlemrain u la dang ryngkang dieng
kper ban leit wad Mem thymmai ha
ing U Syntan. Waw, ko mei baieit ba
thiang jong nga, ngam tip bad ngan
buh haei la ka khmat la ka rynieng. La-
da phi la wan shaw noh ia nga ha kane
ka jingpang, nga la lait ban iohi bad
iohsngew ia ka jingpynkblemrain u
Mihsngi ia phi.

(**Ka mih noh**)*Jaka - 3 Aspata*(**Rung u Dr Liaw**)

Liaw:— Phi kwah eh ban leit sha la shnong. Hynrei phi dang tlot eh bad ngi la ia pynbeit ba phin leit sah shipor ha ing i Larsing. Haba i lait jingtrei nangne na Aspata, i Serin in don ha ing man ka sngi bad phi, kumta phin ym sngew kynjah eh. Katno tarik mynta? Ka long 15 tarik u Risaw, ha ka 20 i kpa jong phi in sa iathoh bad naduh ka miet iathoh hi ki la ia pynbeit ba phin leit sah bad i kmie-nah.

Alis:— Nga sngew shyrkhei pynban ban mih nangne. Nga sngew kumba mih na ka jingphyrnai jong ka sngi ban leit set ia lade hapoh u lyoh. Nga isih ia kane ka Hui bad ia ka jaid ka kynja jong ka. Ban leit sah sha ing jong ka ka mut tang ban leit pyn-long mraw' ia lade haka. Ym lah thaw lad mo ba'ngan lait na kane ka dujok.

Liaw:— I kpa jong phi im don'ei ei halor jong ka. I kwah ba phin leit shong bad la

kiba ha ing bad ban shu ai bai bam
ia phi. Ka Hui pat ka kwah ban bat
iktia lut ia ka peisa ka tyngka jong i.
Phi i, ka long ka jingeh kaba khraw.

Alis:— Bun ki tharai ba ka Hui ka ioh buit
ban leh jadu myntro na ki dkhar bad
ki ngeit ba i papa i la ngat jadu na
ka Hui.

Liaw:— Ka dei ka khun ka ksiew jong kata ka
Circe kaba ngi la ju ia pule ha ka
Odyssey. Wei uba la bam la dih na
ka, u la kylla sniang khlem pep.

Alis:— Ki ong ba ka pynthap bieit ia i papa,
haduh ba i la kylla long kum u muid.
Ka ong ka Serin ba, mynsawia, ka la
pyniaid ia i Papa ha ka res kum u baio-
skop. Ki ong ba i papa, la ka riam sa-
hep bad ka phong tupia jarnel kynjluiñ
bad ka iaïd talaiñ diengduh. Ka pat,
la ka iaïd actress, haduh ba u paitjngoh
kai um bna shuh ia ka res hynrei u la shu
iabeh thapbalong ia kine ki baioskop
tyngshop arngut. Ki ong ba ki ia pom
ia thong res de sanspah tyngka, bad ka
jingkhie shit wahleng ka Hui hangta lei
lei ka bym tip briew tip mrad shuh.

Liaw:— Ka la long ka mon i kpa jongphi ban

leit sah ha ñng ka Hui. Ka bha ba phin leh ia ka mon jong i sa mynta, phi la ju pynpaw tang ka jingkohnguh ia i baroh shi arta. Kane ka long tang ka jingpynphrang iaphi. Shuwa ban suk, ñgi dei ban shitom bad shuwa ban pynjanai ia ñgi, ñgi dei ban shah phrang da ka lawar ding ka jing jinjar.

(Rung ka Serin)

Serin:— Pyneh, thei, wat iam, ki jong ka Hui kin sa wallam ia phi kumne ban leit pynbuh ha ñng jong ñgi.

Alis:— Nga sngew bynnud, ko Se, ban mih nangne. Phi la ialeh sbun than ia nga haduh ba nga la sngew ia kane ka Aspata kum la ka ñng. Phi tip ka long ka kam kaba eh ban mih ñng. Phin wan em, shibit sha ñng? Ngan sngew kynjah shibun lada phim wan.

Llaw:— Ka Taksi ka la wan. Baroh arngut bad i kong Briah ki ia wan tan iaphi. Nga nang khmih lynti ba i kpa jong phi in wan. Pleng i la shu phah da kine.

Rung ka Hui bad ka Symbriah

Hui:— Kumno Doktor i la koit bha mo i Lit? la ki kynja samla te kine. ki

kynja doktor ki kham leh kyrpang hi. Khmih ho, doktor ioh phi kwah lait kloï na ka shitom, phi shu phah ia i Lit haba dang sah ki jerm taiphoid, phi sa wan pynlong aspata sa ia ka ing i papa—(Ha i Alis). Phi la khlain bha, Lit, Imat kumba phi da sngewsih ia kaba nga shu kren biria ia i doktor. Nga bad i doktor te kiba tang ka ia biria, seh, Lit. Ynda phin wan sah ha ing jong ngi te tang katto katne sngi phin sa khlain bha. Ha ing jong ngi te phin mon aïu ha ka pyrthei, tang ka put ka tem, ka bam ka di, ka kup ka riam katba mon. Kine ki jain nga la wan rah. Nang pynphong Serin (ka ai ki jaiñ) phan da pynriam bha, ho tun, ia i khun.

Symbriah:—Mynta ka miet lei lei te, Lit, tang ka hai hai baroh shi miet, namar, kumba phi la tip hi, shibit kin pyniaskhem ktien ia i kong bad i kong rangbah, i papa jongphi.

Iaw— I Lit iba brai shibun ia ki kynja jingput jingtem, nga ngeit ba in suk bha ban shong bad la i Mei-nah,

Hui:— Waw, ko doktor, ha i kpa ka Lit te ym lah shan ho, la lut ki gramaphone, ki bela, ki kaitar, bad ki organ na Mawkhar ba i la phah shaw. Shibit, kynja'ki nongtem nongput kiba nang na Mawkhar, i la lah inbait bad kynthei bad shynrang.

Symbriah:— I Lit, lei te, iba la bha briew lypa kum ka mem, lada ngin hikai sa ka shad phareng te in leit komti aiu pat ban ia mih rong hangno hangno.

Hui:— Ia noh, keiñ. Ynda i Lit i la wan ha iing jong ngi te ngi la tip hi ban pynsuk ia i.

(ki mih baroh).

Jaka 4 — Ha iing ka Hui

Rung ka Hui, ka Symbriah, U Mihngi bad u Sorbong.

Sorbong:— Iasong iasong kong Briah, ba kan shit ka nia.

Symbriah:— Wa, i Babu, dang mynno phi bam kwai?.

Sorbong:— Ban haba iasong kwai kiwei te ngam ju kham bam keiñ, hynrei haba iasong

pat i kong- nga, la kum ong bakla mo,
 ngi dei ban ialong phareng noh mynta,
 ngan ong noh Miss "Briah" haba ia
 song pat da i Miss Briah te, wad bym
 ju bam kwai baroh shi ryta ruh yn
 leit banse shano khlem bam?.

Mihsngi :—E-e-e-. e-e-e-. -e-e-e. phi la iap hep. Ha
 u babu jong ngi te la phim da sumar
 bha ka ktien te phi la ngat.

Sorbong :—Kum ha ka shangkhawiah. Ynda la
 syrdoh u ksai shangkhawiah trait te
 phin khih pat shaei.

Symbriah :—I kren kumei kumta i babu? Ngan leit
 tip manga shano ba phi la bam kwai,
 haba nga peit ia ki bniat te kine ki
 lieh bleiñ bleiñ kum ki trompet janai.

Hui :— Phim long trumpet shuh mynta Babu?

Sorbong :—Nga ju long trumpet keiñ shaphang
 ka niam bam kwai, haba ngam pat
 pyrkhath ban shong kurim. Hynrei
 mynta nga la pyrkhath ban shong
 kurim noh, bad nga la kyrkieh eh ruh
 ban shong kurim. Nga dei namarkata,
 ban pynbit noh ia lade ia kata ka kam
 da kaba sdang bam kwai noh shisyn-
 don. Ki samla kim lah ban ibha ia u

bym nang bam kwai. Haba ka shyn-
tur ka lieh phleit phleit, bad ka jaw-
dud bad ka iewkhong, ka samla kan
leit ibha kumno? Ngi ki Khasi te u ia-
lam lynti u kwai ha ki kam poi kha poi
man, u pynneh bad pynskhem u kwai
ia ka longing-longsem, bad u pyn-
dait sorki u kwai ia ka longlang.
Iasong, iasong kong Hui, Miss Bria
imat kumba phi khapnap eh ban ia ai
tang shi kyntien u kwai.

Mihngi:— Iasong kloï ko hep ioh i dom i Babu.

Sorbong:— Nga uba dom ho' ia kiba nga ieit hi
te nga uba da dom hi keiñ. Tang ia
kiba ngam ieit te ngam ju lei-lei.

Symbriah:— Phi ieit mo Babu ia nga?

Sorbong:— Ym tang ba nga ieit, hynrei nga ieit
eh iaphi. Haba nga dang shu ieit te
dang bit, ynda nga la ieit eh manga
te la eh ban bthat ia u tyllai syrdoh.

Symbriah:— Ani nga sngew lehraiñ ia i Babu. Te
heh pynai ma phi seh kong une u
kwai.

Hui:— To ia ai hi shato. Pha tip i Babu i wan
ibha samla ia phi haba i kong jongphi

i nang don hajan.

Mihnsngi:— E-e-e. e-e-e. e-e-e—.

Sorbong:— Em ho, phi dei phin ai da la ka kti.
Ban ai da kiwei te treh ruh ngam treh
bam hi.

Symbriah:— Hi, hi, hi, (Ka ai kwai) Da khmih
Babu ioh phi ing shun.

Sorbong:— Ynda khmih hi, lada yn dang ing shun
hi te ka pyni ba phim pat nang iasong.

Hui:— Ba ioh phi buaid kwai keiñ Babu.

Sorbong:— Phi tip, haba nga pan kwai na í kong

Mihnsngi:— Kumei kumta babu, phi shu dem kie
umsaw ha ka por tlang? Phi shu dem
khot kong hi ia i hep, haba phi la ia
long phareng.

Sorbong:— Phi i, nga la sdang king ka khlieh ba
u la sdang bu-aid uta u kwai. Hoodid,
nga la kynmaw. Phi i, Miss Briah,- nga
la kum khot kong pat iaphi mo - phim
i, Miss Briah, haba nga pan kwai na
phi, phi la dei ban sngewthuh ia ka
buit jong nga, nga kwah ban eksamin
ia ka jingieit jongphi. Lada phim ieit
hi ia nga te lada phin iasong shi sha-

Hui:— Kane ka rukom jong pha barobor.-
Imat pham shym leit poi hi sha ſew
duh, pha leit ia iaid samla badno re
badno.

Alis:— Ngam pat ju nang shang miet te phi
Mei-nah.

Hui:— Pham shang miet te pha lei heit, pha
jah katta.

Mihsngi:— To ia keiñ noh, wat ia kaw kaw. Phi
i, khun, ngi ia ap dohkha haduh katta
khlem pat ia bam ja. Khie khie sha
ing-shet-ja, leit shet noh da u dai,
tangba pynkloi. Phi i, I Meinah jong
phi i la dom ba i la thngan eh. Khie,
wat leit pynsngew ei-ei.

Mih ka Alis

Hui:— Ka khun pohjaid. Khlem pep kan
kylla Shandar kane ka khun jong me.

Mihsngi:— To ia sngap, phi. I Babu ilah bam
kato ka shini, hep?

Symbriah:— Une u lah iap ler, teh.

Mihsngi:— Kane ka ban iap. Don kiba ong ba
une u Sorbong u don consamshon.
Khie leit wad da ka umkhriat, syn-
reit ia u. Shano u. Mukta ba un

leit wad doktor?

Symbriah:...Koit, phi, kong, nga shu ai tang ka dawai ioh thiah ia u. Un sa kyn-did sa shi phang.

Jaka 5-Ha Ing U Larsingh.

Rung U Larsingh.

Larsingh:—Kane kaba phylla shibun. Ka la iuh ka shukor bad arsap ia ka jing-shisha bad ka hok bad kan sa duh ka jingmane Blei kaba khuld na ka-ne ka Ri jong ngi. Ngim lah laleh ia une u Syntan. U don ka tyngka bad ka buit bad une u pald khristan u shu bud ia u kumba bud ki lang-brot. Ha ka Election u ioh sanphew ngut: uba pli u Konrai, ha ka hok ka iaideit u ioh tang khadsan ngut; tang shi pawa na ki riewhok ruh ym don. Mynta U Syntan un sa shong ha ka khet tymmen Basan bad ka khet jong ka Balang kan sa kylla long ka khet dujok. Phi sngew-thuh?

Liaw:— Phin sa leh kumno haba kumta?

Larsing:— Ngan sa ieh noh ia ka kam tym-men basan, ngamlah pyniadei lok

bad une u ksuid.

Liaw:— U Babu Syntan u long u Mahajon. Ki briew kiba shong wai ha ing jongu kim lah kblem jied ia u. Ha ki mukotduma ruh u long u riewstad bah, bad ym don ba lah shan ia u ha ka nia.

Larsing:— Ka dei kata keiñ, U Mukta u wan iathuh ia nga ba man ka miet u ia-lang bad u khra kiad bad ynda u la bu-aid u tim tang da ki tien sang tien sih suda ia la ka khun. Hynrei u Mukta u long u riew pyrthei bad ngim lah ban pynieng sakhi da u ha ka Balang. Ka Konstitution kam shah ia kata. Kine ki nongbylla bad ki nongshongwai jongu pat ki lah ban iathuh sor sor ia ki kam jakhlia jongu, hynrei ban mih sakhi kim nud. Phi dei ban pyrkhath sa kumne. Lada ngin pynieng da ka jing bishar balang bad ngin pynrem ia u, u pat u byrngem ban leit sha ka aiñ. Hangta te ngi ki bym nang aiñ nang kanun la jinjar khait?

Liaw:— Ki ong ba u Mihsngi ruh naduh ba u la leit ha kata ka ing, u la sdang ban kylla ksuid. I Alis iba pli i long kumba thep

ha slung. Ka Hui bad ka Symbriah kila pynlong ia i kum ka mraw jongki,—ka shet ka tiew, ka leit iew leit hat, ka tong um tong wah, baroh ki jingtrei sa tang ha i. I dang leit sah dang lai bnai hang-ta hynrei i la raikhoh kum ka nap bad ka thangiong ka bym ibit shuh. Tang ba ngan ia shem bad i ngam ioh lad shuh. Haba nga leit kai ha ing jong ki, ym ju ioh lad ban iashongkai lang. Tang ka thaw kam laiphew ka jaid ia i. Ki ia iapngiah tang ban pynbula ia u Sorbong khleh bicit.

Larsing:— Iada i Lis in sah slem ha kato ka ing, in ym im slem.

Liaw:— Nga sheptieng shibun ia kata. Naduh ba i la ioh kato ka jingpang taiphoid, im shym khelai bha shuh. Bad ka trei shi-tom bad ka dik bad khulai jingmut, in leit lah shan slem shano. Lah ne em ban thaw lad ban pyllait ia i na kane ka jin-jar? Nga pyrkhat mynta sa tang ia ka ta.

Larsing:— Ka long ka kam kaba eh ban korbar ia ka ing ka sem ki briew. Hynrei ngi lah ban iakren pat ia kata.

Liaw:— Lano i Serin in wan na Iaitkynsew ?

Larsing:— Sa shi taiew lehse.

Liaw:— I lah ban iarap katto katne ia ngi.

Larsing:— Ka bha ba ngin ap haduh ba in da wan.

Liaw:— Ngan leit noh shuwa mynta ba ki wan shaw ki briew na Mawlai. Ka inphluwensa bad nirmonia ka trei jur shibun, lajan man ka ing ki iathiah plar kum ki dieng lyngngot.

Larsing:— To khie, ngin wan pat ynda phi kloi (ki ia mih).

Jaka 6 — Ha ing U Syntan.

Rung ka Hui bad ka Symbriah.

Hui:— Balei pha wan iew miet eh, para?

Symbriah:— Phi pat balei phi iawan poi miet eh kong.

Hui:— Pha i, ngi ia mut nyngkong eh ban ia leit **sha** khyndai Mer kata sha Elephan phol. Hynrei namar ba iaaid than eh u briew **shato** bad phareng bad **dkhar** bad **khasi**, ngi ia leit noh **sha Madan-rting**.

Symbriah:- Phi ia leit hi tang arngut mo? Nga sngew i Kong hynnin mynmiet i ong ban ialam bad ka Alis.

Hut:— Ka Alis ka ud baiong khlieh. Hynrei nga tip te pha ia ka daw; kam kwah ban ia leit ryngkat bad ngi shaei shaei ruh.

Symbriah:- Phim patom da ka bor balei, ka pyneh da ka khun nongwei?

Hui:— Un da juh shuwa u kpa-nah. Pha i, nga dang thaw skum ia u haduh ba un da juh, bad ia kane ka khun jong u ruh ngan da ai sla mluh shuwa. Un da juh bha u kpa te ka khun kan her shaei? Mynta ba ngi dang iaidd honimun te yn lei ka, para, phin da shu kyrkieh eh. Phi pat balei phi iajan eh haba phi leit iew?

Symbriah:- Nga iohsngew na ka Serin dang shi hat ba sngew mat u Doktor Liaw u iapmat ia ka Alis. Ka dei shisha kumta, kong?

Hui:— Wat put padiah mapha shaphang kata ka kam. Imat ba u kpanah ruh u la tip ia kata, tang ba um put iathuh ia nga. Phan peit bha ia ka iaidd ka ieng ka Lis, Lada u Dr. Liaw u wan kai

wat ju shah ba kin iashong kai hi. Da peit thuh bha ia ka iaide ka ieng ka iakren ia khana jong ki, sa iathuh ia nga iwei pa iwei kat iba pha tip. To mynta sa shaphang ka jingwan iew jongpha.

Symbriah:—Nga la klet iathuh shisha. Hi-hi-hi hynne ka sngi te kumba leit shem sang te hynmen. Jin lai sien saw sien nga leit lap ia u Sorbong bieit ha ki Basa iew. Nyngkong eh, nga leit lap ha basa die sha ka Sila lymbuit, une u dang iakren bad ki Mawshai kiba wan die khiew ranei. Nga tad shu poi ma nga u shu ieng kynsan joit. Nga ong “Wa i babu ruh pleng i wan iew hi kum ngi ki kynthai du”. U ong, kumba la iakren ha kato ka miet, te kong Briah, kane ka long ka jing wan iew kaba khadduh jong nga”. kumno, Sila, pha sngew, haba ong i Babu kumta”. Nangta ong ka Sila”, “nga la shu iap keiñ, lada i Babu in ym wan diha shuh. Namar tad shu wan hi i Babu, ki ia sop ki briew ia nga kum ka kiaw ngap, bad ka jing lah die sha hangta te, sa tang bym lah pynkloi shuh, ka kti ban theh. Haba dei ba dei nga lah die kumba khadsan arphew, shi iew. Kata ka bym

kai mo. Tad pep wan iew i Babu te nga la stang u bai khaw". Ong u bieit, koit seh, kong Sila, "Phin shu khmih lynti sa phi ka nong die sha kat ia nga u Babu rangbah te kan leit ia dei kyrdan hi shaei. Tang kum ki jong i kong Briah, ki kynja khun ba khraw te ki ia dei dur, seh, bad nga. Phi ong kumno, Kong Briah? Hangta ngi ia rkhi kyrkait baroh arngut, nga de nga pynkloi ka phet. Ban ia biria bad u bieit ha ing ha sem te bit. Ha iew te nga sngew dakhloid hi tar, wad kat nga kaba khriat ka dohnud kum u thah ruh.

Hui:— Nangta pat kumno?

Symbriah— Nga leit poi sa ha ka basa die doh. Hangne ruh nga leit lap ia u bieit, tang ba nga lap ba phet noh haba um pat lap ba iohi ia nga. Hynrei ynda poi ha basa die jaiñ ki Synteng, hangta ruh nga leit lap ia u, ba u dang phah suh jaiñ shi sut ia lade. U ong kumno phi tip kong?

Hui:— Kumno kata ka bieit jongpha?

Symbriah:— U ong kumne, "Nga te u ban leh pher na kiwei kiwei ki nong shong

kurim. Ia la i lok ngan pynriam kum ki jingriamshad jong ki Manipur.” Hamar kumta, wan poi uwei u ‘Khar jngoh kti. Ynda u la peit ia u Bieit naduh khlieh haduh kjat, u khot kyrpang ia u bad u ong kumne:-“Ko samla, nga i phi don ka maiñ jong uba khraw batri, namar nga la iaid kylleng ka pyrthei, hynrei nga dang ia kynduh tang iaphi u briew”. Nangta u shim kynjuh ia ka kti jong u, bad ynda u la lah peit bha, u ong, “Phin sa kylla long u riewspah sa tang khyndiat sngi, bad phin shong kurim artad ia ka samla bakhraw batri kaba phuh baroh shiryngieng kum u Tiew lasubon”. Hangta u shu sei san tyngka bad ynda u la ai ia uta u Dkhar, u ong, “Ko kong Briah, ngan sa wan kai shibit sha ing jong phi, da ap ho ha ing” Tad shu kren kumta, u leit beit sha la ing.

Hui:-

Ki ong u men Larsing u kwah eh ban pynbuh ia ka Serin bad u Bieit, hana, namar ba u ba nang iathuh khana bad pynpaw Baible class.

Symbriah:- Tharai lada un kylli ia ka Serin, kan treh ia u.

Hui:- Ka Serin ruh kam treh hi ia u, u
pat ruh un wan ialur hi iaphi ha ban
da shata ka khmut knep lyngknep.

Symbriah:- Lada kumta te ngan lehkai ia u haduh
ba in da baiong hi ngit ka khlieh
bad leit noh riat artad.

Rung u Mukta.

Mukta:- Ko kong, I kpa jong phi bad i Babu
Mihsngi ki la ia ap iaphi ha phyllaw
ban ia leit baioskop. Ale noh, la
biang ka por.

Hui & Symbriah:- Ap ngin da tapmoh.

(mih baroh)

Jaka 7-Hapoh khlaw

Rung U Mukta bad ka Symbriah.

Mukta:- Sha ka per syntiew jong u Adam
bad ka Im Ko Briah jong nga.

Symbriah:- Ko Mukta, wow nga sngew sheptieng
bad phieng ka khlieh. Nga la sngew
khlemrain lpa.

Mukta:- Ia u Adam bad ka Im mano ba la
long phajri bad pyniathoh. Phi dei ka

shyieng krung jong nga. Ka shyieng krung ka la wad la ka jaka, bad mynta ka la wan shong ha la ka jaka ha ka krung u rangbah. Phi mon hi maphi ia nga. Nga la ong iaphi ba ngam long riew niam, bad lada phi kwah ba ngin ia long shi tnga, ngin ia long la ka long khlem da tip ki briew.

Symbriah:- Imat i kong Mihsngi i la suba shibun ia ka jingiaid jong ngi bad mynhyn-nin nga iohi ki ia kren aiu re aiu bad i pa.

Mukta:- U Mihsngi u kwah ba ki para kynsi jongu baroh kin shong khynraw sah, ba un dup ioh iaiaid rangbah kum u 'Iar ryngkuh hapdeng ki 'Iar kynthai samla. Lada in pynbud nam ia ngi, ngan pynpait ia ka khlieh jong u. Phi tharai ngam ithuh ia ka jingleh trai jongu ia phi. U khot, "I Hep, I hep". hynrei u thew shaei tip?

Symbriah:- Nga ruh nga isih ia une u Mihsngi. 1) wan iapoi sang da kumno bad i Hui. Lada i Hui in suba tang kyndiat ba u 'ba khmat ia la ka para kynsi te u la kut artat ka sngi.

Mukta:- Ko Briah ap ia nga ha ing

ngan wan sha ing jongphi shibit myn-
miet ngan shu kiew na ka jingkhangiit
bad hiar ha kamra jongphi.

Symbriah:- Nga iohsngew kumba kren ki briew.
Peit katai ka jingshai, imat kum ka
lynten.

Mukta:— La dei i kpa jong phi bad u Mihsngi
keiñ. Ki la ia bud dien ia ngi, bad
kthaw kurim bad pyrsa kurim ngan
pyniap. Phi i kane ka pistol. Rieh
khop. Ngi dei ban iaknieh ban poi ing
shuwa ia ki. Ki la hiar sha ka lynti ka-
ba bakla. Vih.

(Ki ia mih).

Jaka 8—ha nan Palok.

Pung u Liaw bad ka Alis

Liaw:— Nœa sngewbha shibun ba nga ioh ia-
shem bad phi. Ki ialeit bam khana
baroh sha lum Shillong? Mano ba
ap ing?

Alis:— I Symbriah i ud baiiong khlich, bad
ynda nga dep trei dep ktah, nga shu
wan phet jyndat. Phi dei ban pyllait

noh ia nga na katei ka ing, ka la long
kum ka dujok ia nga.

Liaw:— I kpa jong phi i ialong kumno bad
ka Hui?

Alis:— Ha kaba iohi ki briew, i kum kiba
ia icit eh, ym i lait jin haw shuh.
Hynrei haba ki ia don hi tang ka
iadait ia shrut. Dang hynnin ka dang
kynjat ia i da ka kjat na ka bynta
i Symbriah.

Liaw:— Ba i lei i Symbriah?

Alis:— I papa i ong ia ka ba ka jing-ia-
iaid i Symbriah bad u Mukta kaba
i pher. Ka pat ka ong ba i papa
i bishni ia u Mukta. Na kata, pur
sha ka jing-ia kren kaba sngew shy-
khei. Ka kynnoh ia i papa ba i pyn-
lut ia ki tyngka barch ha nga ba
im thied kynjri ksiar ia ka. Nangta
sa ki ktien kiba sang ba ma bad ka
kynjat artad ia i.

Liaw:— Nga sngew synei haduh katta katta
ia phi. Phi long kum u bilor ha-
pdeng ki maw. Tang la khib ki maw
phi la shroiñ bad pait.

Alis:—

Hynne mynmiet, nga thiah ha la ka kamra. Hynrei ynda nga tad shu pynlip sharak. wan pyapait u briew ia ka jingkhang ia, bad ynda u la lah plie, u rung la ka rung shapoh ka kamra thiah jong nga. U ong, "Balei laba phi la ong ban ym woh nar ia ka jingkhang, phi woh pynban". Nga sngewthuh ba u dei u Mukta. Ynda nga kren ia u. "Balei bah Mukta phi leh kumne"? u ong, "map ko Lit, nga nang tharai ba thiah i Symbriah hangne". Phin batai kumno ia kata?

Liaw:—

Ka jing'at i ia kane kaba shai eh. Bun ki briew ki la ia suba sniew ia u Mukta bad ka Symbriah. Kane kaba phi lathuh ia nga ka la pynsklen ia ka jing suba ki briew. U Mukta u bakla kamra, bad u kum wan kiew ha ka kamra jongphi.

Alis:—

Ngan leh kumno ban lait na kane ka dujok?

Liaw:—

phin ap ia ka por. Nga dang ia-

kren bad u kpa ka Serin shaphang
 jongphi bad n an sa iathuh ha phi
 sa shitaiew. Phi i, phi don ha ka
 jinglong kaba kham eh ban la kaba
 phi tip. Ngam dei ban iathuh iaphi
 ia ka jingma kaba sawdong iaphi.
 Hynrei to ngcit si neoi ia nga ba ngi
 la sugewthuh manoi to liei kiei baroh,
 bad ka por ka jingtoithuid bad jing-
 suk jong phi kan ym slem ban poi.
 Kne ka jingtip kaba phi la ai la
 nga shaphang u Mukta ka la biang
 la ngin ia dei neoi phi dei ban poi
 kloi sha ng katla lah. Ngan leit
 or iaphi k duh lawkhar, ki briew
 kin ym ithuh a ngi ha ka por miek

Jaka 9—Ha i'ng Ka Hui.

Rung U Mihsngi bad ka Hui.

Mihsngi:— Phi i, Diari lada ngim leh ia kine
 kiei kiei ki briew kin ym khein briew
 ei ei ia nga, hynrei kin shu iuh ia
 nga kum ia u ksew.

Hui:— Hato kiei kita kiei kiei, Diari? Nga
 ju sammut barabor ia ki ktien stac
 jongphi.

Mihsngi:— Kine kiei kiei ki long kiba phi ju iohi ba nga juleh barabor keiñ. Nga dei ban bat la ka burom bad kyrdan kum u briew Sorkar, u nongthoh kitab, bad khamtam kum u briew shong sor. Ban bat ia ka burom ka mut ban ong tang da kawei ka ktien, ban leh riewshai keiñ. Haba nga iaid kai bad phi ka tnga baieit jong nga, ngi dei ban ia snoh kti kum u sahep bad ka mem. Phi phi dei ban kham noh sha nga, nga pat kum u rangbah nga dei ban shan keiñ iaphi. Lada ka ryndang jongphi ka thiah ban kit ia ka khlieh jongphi, lada phi pynnoh lyngngeh la ka khlieh ha ka tyrpeng jongnga ba kan ia shan ia ka khlieh jongphi ruh kam lei lei. Ki briew ki lah ban i lyngngoh ia ngi, hynrei ki riewshai ki shait leh barabor ia ki kynja ki ban pynlyngngoh ia ki briew. Phi tip ne em ba ia u phareng uba nyngkong uba leit kup shatri ha Bilat, ki briew ki ialun da ki maw bad ki tabaiñ da ka ktieh, bad ka risa ka kynhoi kat sha ba u iaid uba pli.

Hui:— Kane ka shatri kam shim mih nyngkong na Bilat?

Mihsngi:— Diari, i 'ang lyngkot eh i jingtip jong-phi — uta u sah n u wallam shatri nyngkong shu i lat na Shaina keiñ.

Hui:— Nga leit bne shano nga ka bym ju pule kot p'ateng? Kiei de kita kiei kiei kiba phi leh ba k' biew kin ym iuh iaphi?

Mihsngi:— Kine kiei kiei baroh kiba nga ju leh keiñ. Nga don kam ban teh tai, ban pnong tupia sahep bad ban buh it-khamat.

Hui:— Une u Mukta te u ba la sniew sat. Ha kato ka sngi ba phi phah shim tupia ba phi ong ban leit jingiaseng, u shu wan rung ba' u eug. "Hangno ka tup sahep i Babu Mihsngi". Hangta nga la kyndit katbasiat da ka tup keiñ. Nga ong ia u "ka tup sah p aiu kata?"

Mihsngi:— He-he-he. Phi i, diari, une u l. Mukta u dei u synteng, na shaphang Sutnga—Nongkhlieh. Kito ki jaid bynrlew shato ki ong "ka tup", keiñ ia ka tupia sahep.

Hui:— Ka kyrteng ka ba sngew thamula shi-bun.

Mihsngi:— Nga tharai ba kam ianang kynnoh

tupia, phi, ka shu ia ong noh tup.

Hui:— Ade kumta shisha mo.

Mihngi:— Haba la phong tupia sahep, lane kumba ong ki phareng "helmet" phi i kumno ia nga? Ka khmat ka tyngshain kum ka dur Simpyllieng, khamtam lada dei da kaba lich. Ki studen jong nea phi tip ki ong kumno haba nga phong tupia sahep? Ki ia ong "ew" haba la dei hi ka tupia phareng ha i Babu jong ngi te ym don dkhar ym don phareng, ki ia jah jaid lut ha khmat jong i, ka maiñ ruh la kum ka maiñ phareng, bad ka paw ka personality kaba i shyrkhei jong i baroh ha ka tupia sahep".

Mul:— Kaei kata ka 'Snality'?

Mihngi:— Ka personality, kane ka dei ka ktien phareng bad ka muñ ia ka maiñ bad mynsiem lang jong ki briew kiba khraw.

Hui:— Phi kren eh da ka phareng ngam sngewthuh sngewthaw ban ia kren bad phi.

Mihngi:— Phi i, ka bor ka tupia sahep kaba phylla. Ka hikai skul ka tupia sahep, ka thoh ka tar ka tupia sahep, ka ialam

jingrwai ka tupia sahep, ka iathuh kha-
na ka tupia sahep, ka ibha khynraw ka
tupia sahep. Dei da ka bor ka tupia
sahep ba phi i, diari jong nga, phi shah
ngat jadu kum ha nga uba la bam tnga.

Mni:—

Phi da ong sa kum ia kata. Haba la dei
hi ka tupia sahep ha phi, phi teh bad u
tai, phi laid kyrtong ha surok Mawkhar
bad ka talaiñ diengduh, phi da pynbud
artad bad uwei ar u studen, nga i kumba
la jah jaid lut kine ki khynnah krajuet
baroh shi sor. Ki brieu ki bym tip ia ka
bor maia ka tupia sahep te ki ia ong
keiñ ba phi la kham sti ka snep doh
bad la i sdang ran ka shyllang mat.
Nga pat te katba ki nang ong ba phi la
tymmen nga nang i thiang iaphi. Ki
kynja sohmon te katba ki nang sti ki
nang thiang. Hawto law kato ka iit
khmat jong phi seh ai ngan deng kai
noh manga shisien shisien. (Ka law ia
ki it khmat, ka deng ha ka, ka sa wal-
lam sa ka it ka pynpeit ia u).
Peit hangto ha ka it, phi long kumno
ban haba khlem it khmat.

Mihngi:— Det phi, ym i dei shuh da kum nga.

Mni:— Nga law khnang namar ba nga i phi

kop eh ia ka tupia sahep, ban khlem ki it khmat. Phi la iohi hi, haba khlem it khmat, phi long tang ar khmat. Haba phi tang ar khmat, hato phin long kum u 'si iatur uba khlem reng. Ynda phi deng it khmat, phi la long saw khmat. Ynda phi la saw khmat phi long, ym tang kum u 'si iatur, hynrei la kum u Hati Sawkuna. Baroh ki khynnah samla shong sor mynta kiba deng it khmat suda. Balei? Ban kham ikhaiñ ki kynthei keiñ. Ia nga ka kynthei pat phi i kumno haba nga deng it khmat?

Mihsngr:— Shi, isih du, ym man i shong kun satia. I kumno re kumno ynda rung ki tnaw shapoh tap mohkhlieh. Ba phin da riam mem te, diari, imat kum ban i iadei.

Hui:— Nga ka ban ym pep ban riam mem. Phin da hikai lei lei sa ka shad phareng te hangta la i iadei bha ka riam mem. Ia ka tupia sahep phi la kren, ia u tai bad ki it khmat ruh phi la lekshor. Nga te ia u kynjri baje ruh nga i shong kun shibun ynda u la sdien na ki pla putoi ki rangbah. U kynjri baje ha ki pla putoi ki rangbah ruh u long uwei

u jingpyni thiang. Nga isih ia ki rang-
bah kiba deng da ki baje kti, ki baje
kti te i iadei hi tang ha ngi ki kynthei.

Mihsngi:— Aamar kata keiñ ba nga phah iaphi
da ka baje kti ka ba sanphew. Haw
pynphai shane ngan peit. (Ka Hui ka
pynphai ia ka baje kti sha u). Waw
ka jing i thiang. I ryndang kti ruh iba
la i bit bha ban shong ka baje ha ka
stem ha ka dap doh phyrnum. Ngan da
doh noh ia ito i baje (u doh).

Hui:— Shuh wat wan leh khie mrad.

Mihsngi:— Pui da dom, ngan dait shibit sa na
ka ngap

Hui:— Ew, u ia lur tnga kum u langsohmoh.
Ka pyrthuh langsohmoh. Ka dei kawei
na kita kiei kiei kiba me ju leh ?

Mihsngi:— Phim kynmaw shuh ia ka Sermon jong
nga ha ka Subdistrict Mylliem ?

Hui:— Ngam da kitkhia eh, phi i, shaphang ki-
ta ki sermon. Nga leit sha ki jingiaseng
kumba leit sha ki phur bad ki jingshad.
Nga leit ruh tang ba nga kwah ba kin
peit ki briew ia nga ba ngá riam.

Mihngi:— Kata kaba sniew. Lada iathuh khana kiwei kiwei, kum ki jong u Sorbong bieit lane ki jongu Larsing thamula te ka bit seh ba phin kren sting. Hynrei kat ia ka Sermon jong nga eh phin ym snap te hato haei ka jingburom jong phi ia la u tnga? Ki bun keiñ kiba leit sha kine ki jingiaseng kumba leit ia id suwari ban bam lyer. Mynta ha kane ka jak taksi te ym lah ithuh ithaw shuh uno u riew niam bad uno u riew thala. Nga bi ngam iohi balei ba ki briew kim bit ban leit sha ki jingialang briew kiba khraw na ka bynta la ka sngewbha sngewmiat. Hynrei haba ieng ki nong iathuh khat a radbah, khamtam haba ieng kat u Mihngi, phi la dei ban pynshah shkor.

Hui:— Ngan ki pynshah shkor tang ia ei? Nga iashong lang bad ka Briah bad ka Serin, bad baroh shi sngi tdam shi tdam ka ia shyt ia nga, ba ka ia i sam mut ia u Sorbong khleh bieit ba u ialam jingrwai bad ba u shong, utai kum u khun shrich hapdeng ki mem ki sahep bad ki rangbah Subdistrict halor rynsan. Ka da sniew than eh hi kane ka para jong ngi; ka tad shu iohi hi ia u bieit te ka shu iap ler iap ang tang ka rkhe.

Mihngi:— I Lis i ong ba baroh, bad phareng bad khasi ki la iaroh shibun ia nga.

Hui:— Ka khun te kan leit bein shaei ia la u kpa?

Mihngi:— I Lis iba pli in leit sngewthuh shano ia ki sermon kiba khraw. I ong ba ki Mawkhar kiba iaroh eh. U briew uba la iaroh ki Mawkhar te u la dei ban long u riew shynrang shisha. Kynmaw ki Mawkhar kiba shai tam bapdeng ki khasi ho. U briew uba lah ban ioh jingpyrto na ki Mawkhar te ym dei shuh u riewkai ho.

Hui:— Nga te nga iaroh tang ia ka sur jongphi, ka long kum ka sur sahep.

Mihngi:— Kata kein kan shu beit kumno kata ka sur, lada ki jingmut kim shai bad jylliew bha?

Hui:— Leit pyn shitom mano ban pyrkhat ia ka jingmut?

Mihngi:— Ngin kein noh ban iakren shaphang ka niam ioh iapoi sha ba bakla. I Lis i la iathuh ne em shaphang ka jingpar jingkhang it u Mukta?

Hui:— Kan leit iathuh kata ia nga ba ka dei kmie ia nga? Ia la u kpa te kam iathuh heit?

Mihsngl:— Phi tang shu kren hi shaphang i khun jong nga te phim don pyrthei shuh; sa tang ka khong naphang.

Hui:— Ba la kha khong hi i mei te ngan sa leh kumno? Mem tip ba i mei i la pun ia nga ha ka ding bad u sohmynten?

Rung u Syntan.

Syntan:— Ko pyrsa nga don ka kam kaba kyrkieh eh bad phi. Phi lah ne em ban wan sha ka kamra thiah jong nga? Kum. no khun phi sngew shait sngewkhlaifi bha?

Hui:— Ngam sngew shait bha phi pa, nga sngew baiong kblich, ngan leit thiah noh.

(Ki ia id baroh).

Ka Jingleh kaba II.

Jaka 1—ha ing u Larsing.

Rung u Larsing bad ka Serin.

Larsing:— Ko khun, peit ia ka jingphyrnai ka bneng: ka lyiur ka la wai bad ka synrai ka la poi. Ki lum ki la kup ia ka rong jong ka bneng, namar ba ka suiñ bneng ka la paw. Sngap ia ka jing pah jong ka ñiang-kongwieng, ka wallam i khu-bor jong ka jingkmen sha kane ka jingim kaba pop bad jinjar jong u briew. Naduh ba la iap i mei jongphi, u lyoh u la kah ia nga kum ka jingdum jong ka lyiur. Hynrei mynta ka step, nga sngew kumba ka la wan pat ka jingim thymmai. Phi long ka jingim bad jingkmen jong nga ko khun; hapdeng ka lawarding kaba jur jong ki jing tynjuh, dei ka jing icit bad ka jingsngur jongphi kaba la shan ia nga. Ym don ei ei kaba kham kordor ha kane ka pyrtnei ban ia ka khun kaba kohnguh bad kaba shan ia la ki kmie ki kpa.

Serin:— Papa, phi ju smat shi bun ban leit khwai ha ki sngi kiba bha jongphi.

Larsing:— Hooïd, ko khun; nga don tang kawei ka jingsngewbha ha ka pyrtnei, bad katta ka long ka jingkhwai dohkha. U Isaac Walton, u kpa jong ki nongkhwai dohkha ha ri Bilat, bad u briew u ba

bha bad u ba stad shibun, u jer kyrteŋ
ia ka jingkhwai “ka kam sngewbha jong
u riew pyrkhāt” (the contemplative
man’s recreation). Phi dei ban pule ia ka
kitab jong u “the complete Angles” ka
don ha ka almari kot jong nga.

Serin:— Lehse ka eh eh, papa.

Larsing:— Wat ju kren ia kata ka ktien “eh”. Ka
khun jon nga kam dei ban ong ia
kano kano ka kot kaba eh. Ngam ju
pule ia ki kot kiba jem. Lada nga ioh
kano kano ka kitab thymmai, bad lada
nga shem ba kaba suk bad jem ban
pule, nga bret noh ia ka. Ngam ju
kwah peit ia ki kot kiba kham poh ia
ka bor jong nga lane kaba ia ryngkat
bad ka bor jong nga. Nga wad barabor
ki kitab kiba kham palat ia nga bad
ia ka bor jong nga. Ngam donkam
ban iakren mynta shaphang ki kot ki
sla. Lada phi ong ba ngan leit khwai,
ngan leit khwai keiñ.

Serin:— Ngan da sngewbha shibun, papa, ba
phin iaid lum lang ba phin ioh lyer
ba phin koit phin khlaiñ. Ha kane shi
taiew, nga i phi la shu ktah ia ka ja.
Phi donkam aiu ban pynkhuslai ia lade

katne katne? Nga kwah ruh ban da
ioh da ka 'kha khwai teng teng.

Larsing:— Ki tiar khwai ruh ngam don shuh.
Mynta nga dei ban khreh ksai bad
ryngwiang ba ngan ioh leit khwai
lashai.

Serin:— Lashai te bun ki ban leit tong sher ba
dei ka sngi shuti, ki jong ka Shai
Mali, ka Ron Tarapet bad ka Sbuh
khai-hiaw, ki la iawad tynsong ban
ia leit tong sher. Ki la wan iawer ia
nga hynnin. Kine ki lok Synteng ki
long kiba sbun dohnud shibun. La teng
teng ki long kiba danda than. Lada
phin ialam ia ngi, ngan ia leit bud ia
phi. Lehse ki jong ka Symbriah ruh kin
ia leit lada ngan leit ia wer ia ki. I Lis
te ba kin da phah te in leit, hynrei
mynta la shi bnai ngam ju ia shem
shuh bad i.

Larsing:— U Mihsngi u la leh sat ia la khun, ha
ka tipsngi bad bha jinglong bad ha ka
bha briew kum ka puri. U briew uba
nud ban leh sat ia la ka khun, bad ka
khun iap kmie, un ym shem bha ha ka
pyrthei.

Serin:— Peit, papa, i-ei itai iba wan, ha ka riam jot rynjaiñ, ha ka iaid tlot, lada ngam bakla, i dei i Lis, ka jingwan jong i kaba i pher.

Larsing:— Ho-oid i Lis keiñ. Ine i la wan.

Rung ka Alis.

Serin:— Phi dei i Lit, ne?

Alis:— Nga dei ma nga keiñ, lok baieit. Phim ia-ai jaka rich ia nga hangne shi miet ar miet? Nga mut ban leit noh sha la shnong. Lada ym don ban ai ja ia nga ngan shu leit khrong.

Larsing:— Balei kumne, la rynjaiñ ki jaiñ ki nep?

Alis:— Ka Hui bad u Mihsnei ki la law lyng-khuid ia nga, bad ynda ki la ia sympat bad kynjat ia nga, ki pynriam ia nga da ki jaiñ jot, ki sa ia beh noh ia nga. Ia ki jaiñ, i mei baroh ruh kim ai shuh. Peit la phler lut ka khmat ka khmut ba ki ia kynjat ia nga. Nga sngew kum ba la pait ka dohnud bad lwet ka met. Waw, ko Serin, ngam sngew don pyr-

thei shuh, tang ba nga la wan poi shaphi.

Serin:— Shim ko papa, i la kyllon; pynthiah kloi ia i – (ka twad ia ki pols jong i). I tlot shibun wat pynkhih ia i.

Larsing:— Ngan leit khot ma nga ia u Doktor, nang khmih maphi ia i.

Serin:— I don kam tang ban nors. Ieh ia i shiphang hangto. Wallam tang ki syngkhlieh ar tylli.

(U Larsing u leit mareh bad wallam syngkhlieh).

Khyllie na ka khlieh ba ngan buh ki syngkhlieh. Donkam sa ka umkhriat khyndiat (leit shim u Larsing). Am hangne ngan niad da ka rumar ha ka khmat. Phi i, ka jingleh dusmon kat kane phin shem hangno, papa.

Larsing:— Ka dei ban don ka daw kaba jylliew ia kane.

Serin:— Ka ing u Syntan-Singh ka la long kum ka dujok.

Larsing:— Ka jingkut jong ka jingsniew ka la jan.
 Ngi dei ban pyllait ia i Lis na ki tyrsim
 jong u Soitan bad lada kan poi shaei
 shaei, i gi dei ban iarap ia i.

Serin:— Peit i la khieh, sngap i kren ruma.

Alis:— Ngan pyniap ia me, Mihsngi; ngan
 siat ia me Mihsngi. Hangno uto u lok
 jongme u khlehbiet. Hy, ngan kjit ia
 ka snam jongme baroh arngut... Ham
 Mukta, pha ong kumno? Iano phan
 siat? Ngan ai sha thanat... Khie papa
 Waw ki la shoh ia nga.... Waw ko
 mei kynrad ... Waw nga iohi phi
 shong ryngkat bad ki Angel..... Mem
 shoh Mihsngi..... He, he, he.

Larsing:— Ka kren ruma ka khyannah.

Serin:— Ngan leit khreh jingthiah, ba ngin rah
 noh ia i.
 (ka mih).

Alis:— Serin, kynrad jongnga; Serin kynrad
 jongnga..... Ale wan shaw ia nga.

Larsing:— Lis, ko Lis, phi tip briew ne phi ruma?
 jar, jar.

Alis:— Ko Liaw jongnga.... hangno ka jing-smai jongphi... nga shaniah tang ia phi,..... Ko Liaw jongnga, ko Liaw jongnga.

Rung ka Serin:

Serin:— To keĩn papa, ngin ia rah noh ia I. Buh kawei ka kti na kɨ siang tyrpeng, kawei na ka khlieh, ngan bat ma nga na ki kɟat bad syngkai. Ia noh.

(Ki mih)

Jaka 2: Ha ĩng u Syntan.

Syntan:— Pyrsa, une u Mukta u la pynsniew ia I Briah bad u la pynbud nam artad ia ka ĩng jongnga.

Mihsngi:— Ha kato ka miet ba ngi leit iabud ia ki shapoh khlaw, phim iohsngew ba ia kren hum hum ki briew hamar ba rung sha 'law Mali? Lada ngam bakla nga sngew kumba ka sur ktien ka dei ka jong u Mukta. Nga iohsngew tang kawei ka ktien, 'Ka 'Per syntiew jong u Adam bad ka Im'. Ynda ngi ia tur shapoh, ngim shem brlew ei—ei.

Syntan:— Mynta la bna baroh shi sor Laban,
bad ki jong u Larsing ruh ki la tip ia
kane.

Mihsngi:— Nga sngew shibun phi kthaw ia kane.

Syntan:— Kumba ngi la iapyrkhat, ngi la thmu
ban ring ia u Dr. Liaw sha I Briah;
hynrei mynta u Mukta u la ber mluh
ia ka syrwa jong ngi haba kam pat ih.
Phi thara I Lis I la ia skhem ktien
bad u Dokter?

Mihsngi:— I Lis I la phet hynnin mynstep na ing.
Ine I Hui Iba dom than. I shoh I
kynjat ia ka hynnin, bad sngewmat I
la leit phet sha ing u Larsing.

Syntan:— Ngı dei ban pynlait ia ka na utei u
ksuid.

Mihsngi:—Nga mut yn leit ia kren kumne keiñ.

Syntan:— Khie leit kloı kloı, kumno phin shu
shah ba in pynmih kumne ia la ka
khun? Khie leit lam da ki pulit, leit ring
ia ka. Lada u pyneh u Larsing, ai ia u
sha ba eh.

(Ki ia mih)

Jaka - 3 : Ha ka kamra ha ing u Lar-sing. Rung u Liaw bad ka Elis:

Liaw:— Nga tip ia kici kiei baroh bad nga tip ba phi la shah kat kine ki jingjia ha ing ka Hui ha-tuh shi snem kya hih, namar ba phi kwah ban iarap ia la I kpa. Phi ong ka leh kumno kumno ia I?

4/s:— Haba ka tang su la dom hi wit ba ym hiang ka men jong ka, sa tang kym ba kynpha ba ka la sih bad.

Liaw:— Haba ka jong phi haba ka leh kumta?

Als:— Bun ba I shu iam. Dang shi bnai I ai pisa ba ngan leit thied tapmoh. Ka tad shu iohi ba nga tap da ka tapmoh thymmai ka shu kymion ia ka khlieh jong nga kumnan lywit, ka ong, na ei pha ioh kane ka tapmoh, na ei pha ioh kane ka tapmoh? Nga te ngan banse ban iathuh ba I ai I papa. Hangta te ka kynthar kumnan meh ding.

Liaw:— Ka leh kumno ia I papa jong phi?

Alis:— Ynda I wan poi ha ing te, phin leit tip shuh. Ka leit buh ka tyngka na ka khlieh jong I. Ka ring pakhuh ia I teng teng sha nga, ka ong artad, 'Shim ia une u kpə khlem jaid jong pha' ia kiwei kiwei ki ktien ba ka kren te ngam bit ia thuh. Ka sa bynthiew ia I bunsien na khmat bad ka kynjat artad, ka sa phet.

Liaw:— Kata kaba sngew shykhei shisha.

Alis:— Shisien ka bah ia ka wait tyngkrong bad lada Im shym lap I ma Syntan te ka la pyndkut ia ka ryndang I papa.

Liaw:— Balei ka leit dom haduh katta katta?

Alis:— La bun angi kam treh shuh ban khatja ia I papa, tang namar ba im treh ban leit lam jngoh phut bol ia ka. Ha kawei ka miet, naba ka dang wan dukan, ka lap ba khatja I Symbriah ia I, hangta shu ala: ia ka kylla ingkhong ka ong 'pha dei tong ia ka Briah, pha phah
-ny at-aga-khatja: ka ka? Pham nang khad hi!"

ap ynda wan manga 'ka tnga jong
pha balei ba ngim pynbam ia pha tang
da ka ja mluh? Hangta i papa ba i la
domi ieng joit i ong yn thap ia ka,
hynrei shukloi lan ka ioh kynrup da ka
wait tyngkrong bad ka la jan pom ia I
na ka ryndang lada in nym lap wan
i kthaw.

Liaw:— Ew, kata kaba sngew ma shibun.

Alis:— Ngam lah ban iathuh lut ia ki jingleh
jong ka ia I pa. Ka por ka long kaba
kordor bad ngi don kam ban ia kren
pynbeit ia la ki jong ki kam.

Liaw:— Ho-oid, phi la lait na ka lawar ding
jong ka dujok. To ngin klet nōh ia
ki lyoh kiba iong kiba la dep bad ngin
peit sha ka bneng kaba sngur jong ka
lawei.

Ha bneng bad ha pyrthei nga im tang
da la ka jingshem kaba tuid na ka
mysiem jong phi. Phi jong u 'Tiew-
kulab uba lieh bad sngur tam uba mih
halor ki dieng shiah. Nga la kheit ia
phi na ki dieng shiah bad nga la pyn-

shong ia phi halor ka Khet ka Duwan
ka jong nga.

Alis:— Bad nga la im da ka bor ka jingieit
jong phi bad nga la kloï ban iaïd
lyngba ka ding bad ka um, lyngba ka
jingim bad ka jingiap, lyngba ki jingat
phyllung bad ka ding ka dujok bad
lyngba ki 'per syntiew jong ka Paradise
kaba ka rynieng jong phi ka kah syr-
ngiew halor jong nga. Ko Siem briew
jong nga ka mynsiem jong nga, nga
bret lut la ka rynieng baroh shi tylli
ha ki ksang kti kiba khuid jong phi.
Nga sngew kumba ka por bad ka
bymjukut ki la ia wan lang ha ka
shikhyllip mat. Aingan doh ia ka kti
kamon jong phi, kynrad. (U doh ia
ka). Ka kti kaba khlaïñ, ka kti kaba
khuid, ka ban khiring ia nga lyngba ka
ding bad lyngba ka Jingiap.

Liaw:— I a la biang tang katta ka jingdih na
ka pukri sngur jong ka jingieit. Mynta
u dei u bnai Lber bad lada phi la
kloï ma phi, nga sngew ngi la dei ban
ia soh noh ha ka jingshong kurim ka
ba khuid ha ka shi tarik u ãaiong, kata
ka long sa artaiew naduh mynta. Ka

long kaba dei ba ngin dang ia im ha
jinglong shitnga ha ka samoi ba ka
khyndew ka kha ia ki shylluid dieng
bad syntiew, bad ba ka sei ia ka jingim
bathymmai sha ka pyrthei.

Alis:— Haba phi mon maphi nga ruh nga
mon.

Liaw:— Kata ngin iakhlad noh sawa. Phi ong
ba phi kwah ban ia leit iaid kai su-
wari bad I Serin; ka la biang ka por
ba ngin ia ieng noh.

(Ki ia mih)

**Jaka - 4 Ha ing u Synten. Rung ka
Hui bad ka Symbriah.**

Hui:— Pha iohsngew, khun ka bieit tymblang,
ka Serin ka iathuh ba ki la ia kut
ban iathoh sa ar taiew? Ka sngap
siar ba ki ia kren hynnin hapoh kamra.
Pha kaba la ioh da u Draibar te
phan lei pat. Hynrei ia ka Serin
kaba pli seli kaba la ia lur bad
u kumban iap hi. La lah ka khun
u Mihsngi thiaw, phi mut kumno?

Pham shu ai kumto ban leh jop kane
ka khun nongwei?

Symbriah:- Nga iohsngew kumba ka Serin ka la
mon ia u Sorbong khleh bieit bad ki
ruh ki la ia pynbeit ia ka sngi ia thoh.

Hui:- Kan leh kumno heit haba la kut ka
nia bad ka bu t, kan shu shong khyn-
raw sah hlem tng? Lah u Sorbong
bieit tam ban ia u Draibar eh.

Symbriah: I kong pat i ong kumno?

Hui:- Phan leit ong sa ia uta u kong
pasngeng. Uto un um sngewbha heit
ban ioh pyrsa kurim da u Doktor?
Hyurei ngan pynpdaug ia kane ka
kam. U Milsngi bieit U long tang u
ksew jong nga, haba nga ong dew
u dei ban shu wan; haba nga ong
shu, u dei ban kenrong; haba nga
ong shuh, u dei ban phet sawruid
pyndem tdong atad. Pham iohi
kumno nga la hikai ia u? Ka khun
jong u ruh ka dei ban long ka maw
bad ka ksew jong nga, pha sngewthuh?

Symbriah:- Phin leh kumno kong? Nga sngew
shyrkhei ia ki ktien jong phi.

Hui:— Pha iohi uei une nga bat ha ka kti?

Symbriah:- Nga i kum u phan khlaw.

Hui:— Une u phan uba na Bhoi. Lada phan shu ot ia u da ka wait, bad da kata ka wait phan ot ia u soh lane uno uno u kynja jingbam, pham tip ba ka bih jong une u phan ka jur haduh katta, ba u briew u ban bam ia uta u soh u dei ban iap tang na kaba dambit na u phan ha ka wait. Ita I doktor pyrsit jong ka khun u Mihsngi in leit tip shano ia ki bih khlaw. Ngan pynmad ia i da ka bih une u phan bad ngan khmih ia ki jingstad dawai jong I baroh kin lah ban pynim ia I. Khie leit noh, ngan sa ai phah rah kawei ka shithi sha ka Alis.

(Ki ia mih).

JAKA - 5: Ha ing u Syntan.

Rung U Mihsngi.

Mihsngi:- Ki kliar jong ki lum kiba jyrngam, ka jingthaba jong ka step phyrngap

haba ka dang bthei na ka jingdum, ka jingphyrnai jong ki kshaid um ba ki ryngkoh na riat sha riat, ha jingrkhie jong ki khynnah kynthai samla, ki dei, haba kynmaw ia ki, ban pynshai bad ai bor ia ka jingmut kaba dum tam. Hynrei hangno nga don mynta? Shisien ka khmat jong ka Hui ka la thaba khrek ha ka dohnud jong nga. Ka la thaba tang shisien. Mynta bad naduh myn aria ka la dum da ka jingdum u soitan bad u bymman, ka la dum da ka jingdum bymjukut jong ka dujok. Haba nga ong Hui, ka ong nga ka trui trui, me la khalah ia nga te, men ioh tang ka ding. Haba nga ong Hui, ka ong, nga ka brui brui, me la ktah thala ia nga te me la dkut. Haba nga ong, Hui ka ong me u u kui, men pun jingkieng sha bneng da ka eit jong me. Te aiu ngan dang ong pat kum nga une. Ngan ong ba nga la long u briew uba la shem jinjar tam ha ka pyrthei shisha keiñ. Hynrei ka don ka jingbiria ka ba kyrpang ha ka jinjar. Nga la mad tang shiteng pawa hynne, ka khlieh ka la sdang king, shisha, ka la sdang

khie ka biria. U briew um lah ban im khlem ka biria. Ki ksuid ruh, nga tip na I Mei Lawbah, ki im da ka biria shisha, ka khun iap kmie jong nga kaba pli, shibit te la kum no kumno ngan leit jngoh noh ia ka.

(Rung ka Hui bad ka Symbriah)

Katei ka la ia wan ban pynjynjar ia nga.

Hui:- Ko diary, ngi la ia wad kylleng ia phi, pleng phi don hangne? Phi shong lei marwei kumne baroh shi sngi?

Mihsngi:- Ong shi rta. Pha ia wad lei ia nga haba pha la ia pynking jabieng kat-ne ia nga?

Symbriah:- I kong i da dom ne? I pa iba pli i la sngewjynjar shibun na ka bynta jongphi. Phi tip ne em i Lit bad I Liaw ki la lah ia pynskhem ktien hi bad ki la ia kut ban iathoh sa ar tarew?

Hui:- Ki la ia kynjoh ktien ne em ia phi, Diari?

Mihsngi:- Kata ka bym lah song. I Lit in ym leh kum kata ka kam lano lano.

Hui:- Hooid keiñ, phi eh. Ngam shym la ong iaphi ba ka dei ka khun runar? Ynda ka la phet na ing jongphi te kato ka ban dang khein kpa shuh. Kat kane ka jing pynjah burom ia u kpa uba lah uba iai ym pat ju shem. Ngi wad iaphi namar ba ngi kwah bau da ia ka burom jongphi. •I pa iba pli i la khuslai shibun na ka bynta kane ka jingkein burom u Liaw iaphi. Kumno u nud ban ia bat ktien hi bad ka khun jong phi khlem da kynjoh ktien ?

Mihsnghi:- Ka long kumta shisha?

Symbriah:- I kong teh kum uba bieit i kren. Ka da wan iathuh ka Serin te hynnin ia ngi.

Hui:- Sngap ia nga. Tang ban lait na ka lehraiñ, i pa i la khreh ban leit sha ing u Larsing bad ban leit pan map na ki baroh, tang ban ioh pynwan ia ki sha ing jong ngi bad ban pyniateh ktien ia ki da phi ha ing jongphi. Ka burom jong phi ka dei ban neh la kumno kumno. Tad shu dep ka pyniathoh da ka rukom kaba don

Mihsngi:- burom ka mat ia poi kat sha ba ka
ia poi. Nga ruh nga la ngiah.
Yn lei ka tang ba kan beit kan bha
ka kam bad ba ka khun kan lait na
ka khlemrain.

Hui:- Phi dei ban thoh da ka shithi sha ka
Alis bad ban khot ia ki ban war
ia pynskhem ktien hangne.

Mihsngi:- Ka leit wan shano lada thoh ma nga
haba ka ia eh bad phi. Phin da kho
ma phi te ki ia wan seh.

Hui:- Lada nga sngew eh katno katno ruh
na ka bynta jong phi ngan thoh. K
dei ban ja wan la shai hi bad ng
dei ban khreh bad i sha de ba ka
kam kan kham i don burom. Ia noh
ka khun ka la iam baroh shi sng
ka wad ia phi; ka khun aiu kaba l
nap kpa sat.

(Ki ia mih)

Jaka :: 6 :: Ha ing u Larsing

**Rung U Larsing, U Syntan bad ka
Alis.**

Syntan:— Kumno, nga iohsngew phi wan khwai, phi ngat dohkha? Nga iohsngew ki jong I Lit, I Serin bad ki lok synteng ruh ki ia leit tong sher.

Larsingh:— Leit dei shuh shano phi kum ha ki por hyndai ba dang bun ka dohkha bad ba ym pat ia smat eh u briew. Mynta la jur kane ka siat bad ka wiah tutia, yn leit shan dohkha shuh shano? ka la ia sian bad ia phet iap lut. I Lit, kumno phi ia ioh?

Alis:— Shu ia ioh tang khyndiat phi pa-hep.

Syntan:— I Lit te I shu bitar sah ia ngi, khlem da wan mih shuh. I Hui bad I papa jong phi ki la shu khuslai noh na ka bynta jong phi te. Kumno, haba la bakla I papa bad I kmie-nah, phin leit shu pynsngew sah ia ki?

Alis:— Ia I papa i bapli nga isynei, nga isynei ia I namar ba im ioh la ka mon ban leh sbun ia nga ka khun, I bitar ia I mei-nah. Namar I bitar ia I mei-nah, I shoh sa ia nga. Wad ia I mei-nah, ruh ngam bud-nud ei ei. Hynrei ban wan sha ing jong phi te,

pahep, ngam wan shuh, namar ba ka jingdon jong nga hangto ka long tang ka jingpynjinjar ia ki baroh arngut. Ka Serin ka la iathuh ia nga ba naduh ba nga la phet na ki, ki la kham suk shibun. Lada ki ia bitar teng teng, ka daw ka long na ki hi, bad ym na ka daw jong nga.

Syntan:— Phi ong kumno, kpa ka Serin, lada i Lit i la map shisha ia i Hui, ka bha ba in pynpaw ia kata da kaba i wan shong biang bad ngi?

Alis:— Ban wan shong hi bad i mei-nah te, pa-hep, ka bym lah long shuh. Ka ing jong phi ka la long ka dujok ia nga, bad nga triem sah haba nga kynmaw ia kiei kiei kiba nga la iohi bad iohsngew ha ing jong phi.

Larsing:— Nga tharai ym dei shuh phi kpa i Hui ban ia i Lit ban wan sah ha ing jongphi.

Syntan:— Phim treh shuk, Lit? Phim lah ban map ia i Hui haba i la lah kylla ka bamut bad sngewsih ia kaba i la leh bein ia phi?

Alis:— Nga la ong ia phi ba nga la map ia i mei-nah, hynrei ngam lah ban wan sah shuh ha ing jong phi.

Syntan:— Ki ong ba phi la ia pynbeit ban iathoh bad i Liaw. Nga wan tyrwa ba phin ia pyndep ia kata ka kam ha ing jong ngi, bad i Hui i dei ban pynkhreh ia kiei kiei kiba phi donkam.

Larsing:— Kata ka jingpynkhreh kaba bha lada i Lit i lah ban pdiang ia ka.

Alis:- I Liaw in ym shah da lei lei ba ngan leh kumta. I la leit wai ing ia nga ha Laitumkhrah bad nga la pynbeit ban leit shong noh hangta.

Syntan:— Niuma, nga shu wan ai jingpyrkhat ia phi, ko Lit, bad ngam shym khmih lynti hi ba phin lah jubab ia nga. Ka long ka kam kaba eh, hynrei nga kwah ba phin pyrkhat mynta, ngan sa wan pat la shai ban ioh ka jubab kaba shai na phi. Hynrei uei une uba wan?

(Rung u Mukta)

Mukta:- Kato ka khleh bieit kam shym wan

rung hangne? Ba ngan da ioh ia ka ngan pynpait ia ka khlieh jong ka.

Larsing :- Ym bit ba phin wan leh bad kren kumne ha ing jong nga. Iano phi wan sia sia kumne?

Mukta :- Map ia nga, kpa I Serin, ngam shym buaid. Naduh ba nga mih na ing ine I kthaw, ngam ju dih kiad shuh.

Syntan :- Wat khot kthaw shuh ia nga, phi la lah ialait bad I Briah.

Mukta :- Kata ka long tang ka jingsngewthuh jong phi: nga bad ka Briah ngim shym sngewthuh kumta. Hynrei ym shym don kam ban ia kren ia kata mynta. Nga wad ia kato ka Sorbong khleh bieit. Ka pynbna la lut ka Sor Laban ba kan iathoh bad I Briah. Nga la wad ia ka la slem ba ngan ioh phut ia u thyllied jong ka. Nga lap ia ka myntan ha poh Iew Duh ba ka iaid khaiñ kum u Saheb. Nga tang shu kren ia Ka ka ong ba I Briah in sa rung Balang, bad ba kan sa ia thoh sa shi taiew. Tad shu ong kumta ka iaid pynsted noh. Nga ong,

'ap, ap ynda ia kren' ka mareh sha kine
ki dong Mawkhar. Ngam iohi haei
ka rung namar ha la dum bad ba
bun ki briew. Nga shu wan beh shane
jaid ba ka shait wan kai hangne.

Larsing:— Kane ka bymdei, Mukta. Haba phi
la mut ban bha, bad ki briew kim
khot shuh ia phi, phin wan wad kput
pynban da kumne ?

Syntan:— Haba phi kwah ia ka ban ia shai te
phiin wan ia kren ha ing balei ?
Shu byrngem byrsit ia u briew ha
lynti ha syngkieng leit dei mo ?

Mukta:— Ha ing jong phi te kthaw, ngam dei
wan shuh, lada phi ong "wat khot
kthaw shuh ia nga", nga te ngan
khot hi, ngan leh kumno haba ia ia dei
bad i khun jong phi, ym sang mo
ba ngan leit khot da kumwei pat
phi l Kpa iba bha'

Larsing:— To khie leit noh, wat wan pynkulmar
shuh ha ing jong nga, ba ngi dang
ia don kam artad. Phi la pynshep-
tieng shibun ia l Lit bapli.

Mukta:— I Lit ruh pleng I dom, map, ko Lit

ba ngam iohi ia phi. Ki ong ba phi la jan shong kurim mo ? To ia kit bok kit rwiang lem ho Lit. Katno nga kmen ba phi la lait na ~~la~~ kti I Kong. Ngan leit noh shua.

Alis:— To khie, leit beit noh sha la ing bad wat leh lamwir lamtham kumne. Phi leit lah btong shuh shano ia u ksai uba la dkut.

Mukta:— Ngan leit noh, tangba ka jingiap kaba ishyrkhei ka ap ia u Mihsngi.

Syntan:— Nga ruh ngan leit noh. Kane ka bym lah shah ka kam. Ngan leit hajir sha thanat. Lada shah ia une u Mukta ba un leit byrngem byrsit ia ki briew kumne, yn sa jot ki ing ki sem baroh. U la pynjot ia ka khun jong nga. Ynda nga dang syrdep ia ka ing kumne, u wan byrngem byrsit ia kiba thmu ban ia poi kha bad ki khun jong nga. Kane ka bym lah shuh.

Larsing:— Da pyrkhat bha, kpa ka Hui. Haba phi la pynlong ia la ka ing ka ing dih kiad ing ia khalai, mano ba wan pynjot ia ki khun jong phi, ym dei

ma phi uba ailad ia ka jingsniew?
Phi long tymmen Basan mynta, hyn-
rei wat tharai ba ka pyrtnei kam tip ia
ka nam basniew jong ka ing jongphi.

(Rung u Sorbong)

Sorbong:— Ia ka buit jong nga. U beh ia nga
na i'ew Duh, nga kyllaiñ sha Umsoh-
sun, nangta nga wan phai biang bad
nga bud dien kylla ia u. Ba ngan
da mon ban trei ia u, u lah dep.

Syntan:— Lada ngim leit ijar sha thanat, un sa
shu pyniap khlem kput ia phi.

Sorbong:— Nga rieh hangne ha kyrpong, nga
iohsngew baroh te kthaw, ia ki jing-
kren jong u.

Larsing:— Ka bha ba phin leit pynbeit sha
ing jong phi ia kane ka kam. Ngam
sngewtynnad ba ka ing jong nga kan
long ka skum jong ka jingbyrngem
byrsit.

Syntan:— Ngin ia leit noh kumne sha thanad.
Ia noh, pyrsa.

(Mih u Syntan bad u Sorbong)

Larsing:- Phi i, Lit, ka la jia ne em kumba nga la ju ong ia phi?

Alis:- Ho-oid, keiñ. Ngam tip yn long kum-no ia une u Sorbong khleh bieit.

Larsing:- Khlem pep un ngad ha ka jinjar. Phi leit shong da kumno ha ing u Syntan, haba ki don ki kam kiba ishyrkhei kum kine?

Alis:- Ho-oid keiñ, hynrei ngan da ia pyr-khat bad i Liaw. Imat ngi ruh ngi ia shem jinjar lang baroh na ka byn-ta ka jingleit jong I kpa ha ka tei ka ing.

Larsing:- Koit, wat leit tieng ei ei. U Blei un iada ia phi na ki jingjinjar baroh.

(Ki ia mih)

Jaka - 7 : Ha ing ka Hui.

Rung ka Hui, ka Symbriah bad ka Serin.)

Hui:- Phan smai, Serin, ba phan ym ia-thuh briew ia kane ka kam? Pha ong ia pha ruh u la kyntait bad la leh ki kam shet kylla bunsien. Ka Briah ruh ba ka la ia sniew bad u Mukta kam leit khwai shuh ia une

u Kha Lad, la mynwei u la ju nang
pah kum u moina, mynta u la blad.
Ngin ai ia u sa tang da ka shun ne u
jaiur ba un iap duh artad. Ban ia
kaba kane ka khun iap-kmie kan ioh
jem ia u, ka bha ba ngin thaw lad
ban pyniap noh ia u.

Serin:-

Ha Aspata nga la shakri ia u kum
ka mraw. Ia ki 'wai-dong jong nga
u la bam katba nga ai. Ia ka ja
ka dohkha jong nga u la shu nguid
katba ai. Ki jingiaid suwari, ki jing-
shong motor u la pyniaid ia nga
kum la ka jong ka briew. Haba u
rangbah u pdiang ia ka jinglehieit ki
kynthei hynrei um pynphai kyliang
ia kaba pli, kan leit ud kan leit
kren hano? Sa tang ba kan shu
nguid bad tep ia ka jingmong ha-
poh ki syrtap kiba jylliew tam jong
ka dohnud jong ka. Ngam lah ban
pynpaw ha u Liaw lane hano hano.
Nga dei ban ia id kynjih bad ka tba
khmat bad sleh umphniang artad.
Pha i, Hui bad Briah, ka la poi sha
kane: nga la dei keiñ ban leh shukor
bad arsap kumba nga ieit eh ia ka

Alis, bad kumba nga leh khia eh ia ka jingialur tnga jong u ia nga; hynrei hapteng kata baroh, ka ding ba nga la nguid ka dang bam ia ka myn-siem bad jingmut jong nga bad ka nang pynring tyrkhong ia ka jingim jong nga baroh. Lada ngi ioh dong ran wad kput, ngin da pynjot hi thiaw ia u khlem jingisynei. Pha ia sngewthuh?

Symbriah:- Pha tharai kin ia wan lasbai mynmiet ban ia pynskhem ktien ha ing jongngi?

Serin: Lada ma nga bad I pa ngin ban ia ki, ki dei ban wan; kim lah da lei lei ban kyntait.

Hui:— I Pa I la leit iakren hynnin mynmiet hynrei khlem da ioh pyndep lyngkot ia ka ktien, jin noh ba u leit pynkul-mar u Mukta lamwir khleh bieij. Tip kin ia long kumno la shai. Bad ka daw baroh ka long na ka bynta ka Briah.

Serin:— Nga ngeit kin wan lada pha thoh da ka shithi, da pynpaw kumba pha la babe eh.

Khot ba kin ia wan da kaba sngew-
bha ban ia pynskhem ktien, kin wan
khlem pep.

Hui:— Ngin thaw ka jingdih sha kaba khraw,
bad la u khapnap ruh nga tharai u
Mihsngi un ym bynnud ban ai san-
phew tyngka ban pynlut na ka bynta
kane. Ngan khreh ar klad ka waiñ
kaba bha bad ngan ai ha u Mihsngi
shi klad kaba don bih bad ha u Liaw
shi klad kaba khlem bih, ngin sa ong
keiñ ia kylliang klad kum ka jingi:-
smai bad iateh jutang. U Liaw un
ngad da ka bih bad u tad shu dih un
iap artad.

Symbriah:- I kong I la ioh pyrkhat da ka buit
kaba bha shibun. Ngi la pyrshang ai
ia ka bih kaba ngi la khleh ha u ksew
mynlyiur bad u la kyrbeit tang shu
dih.

Hui:-:— Em, nga la bakla. Ngin ai da ka
bih kaba trei suki ia u Liaw. ba un
sa leit kyrbeit ynda un poi ha ing.

Serin:— Ioh u iap kumno kumno ha ing, ka-

ta la jot baroh kawei ka ñng. Kan long ka jingtohkit ki pulit, bad ñgi la iap baroh laingut.

Hui:- Shu shaniah ha nga, nga ioh da u phan uba na Bhoi Khadsawphra. Nga la lah tylliat ia u. Lada khem shi phew jaw ka um jong u, u briew un iap ha shen. Lada khem tang lai jaw un iap lai sngi hadien ba u dih. Phan ym khuslai ei ei shaphang kata. Nga kwah tang ban pymiam briew ia ka khun u Mihsngi. Pha la sngewthuh, khun ka bieit? Ka la biang ba ngin ia pra noh sha la ki kam. Ngan thoh marwei ia ka shi-thi ba phan leit rah sha ka khun u Mihsngi.

(Ki ia mih)

Jaka 8 :- Ha ñng u Larsing.

Rung u Larsing, Ka Serin, u Liaw bad Ka Alis

Larsing:— Ka pyntiang shisha ia ka dohnud u briew ka jing-ia-suk, kaba long ki Dieng jingim ki lah ban pyhthiang ia ki um Mara kiba kthang tam kiba

kyrsoi na ka dohnud u briew. Nga la iohi ia ka jingpangnud jong u kpa ka Hui na ka bynta la ki kam sniew. U Mihangi bad i Hui ruh ki la babe than ia ka jingleh sat jongki ia phi. Pule biang ka ong kumno kata ka shi-thi, Lit, I theh i kpa ne i Mei-nah?

Alis:— I thoh i Mei-nah phi iba pli. I tieng ioh ngim wan lada thoh da i papa.

Larsing:— Kata ka ba dei keiñ. Haw pule ngin ia sngap.

Alis ka pule.

Ko Lit. Ngi la bna ia ka jingbha bok kaba khraw jongphi ba i Doktor Liaw, ha kaba khadduh i la kut jingmut ban shongkurim ia phi. Kane ka long ka jingsiew kylliang na jrorg ia ka jingleh beñ jong ngi ia phi. Mynta, ba ngi la iohi ia ka jingbakla kaba khraw ia ka jingshembha bad jingsuk jongphi. Hynrei ngi kyrmen ba phia sngew dei ba ka jing ia pynskhem ktien jong phi kan long da ka burom bad ka dei ban long ha ing i kpa jongphi. Ngi la khreh, namar kata ban thaw ka jingkhawai sha ha ing jong

ngi sa lai sngi naduh mynta khnang
 ban pyndonburom ia ka jing ia teh
 ktien jong phi. Phi lah ban ia buh
 ban ia pyndep ha kano ka sngi ba
 phi ia mon. Nalor ka jinglut ha
 kaba ai sha ia ki lok ki jor, nga
 bad i kpa jongphi ngi la ia kut ban
 ai mar uwei u sniang na ka bynta
 ka jingkhawai shongkurim jongphi.
 Ngi la ia hap jingmut lang ba ka
 sngi shongkurim jong phi kan long
 kaba don burom. Phin pdiang ne
 phin kyntait ia kane ka jingtyrwa ba
 sbun jong ngi?

Ka jingaikhublei ba donburom na
 ngi baroh arngut ia I Doktor Liaw
 bad ka jingkhoh sngewbha naduh
 dohnud ba in ia wan bad phi ha
 kata ka miet.

Ka kmie Nah baieit jong phi,
 Ka Hui.

Serin:— I Doktor I ong kumno haba kum-
 ta? Nga tyrwa ia lade ban long
 bera ia I Lit ha kata ka miet.

Larsing:— Bad ngan long Bera ma nga ia I
 Doktor.

Liaw:— Nga pat ngan long Bera iano?

Alis:— Phin long Bera ma phi ia I papa, keiñ. Phin leit lah shah shuh shano khlem da pdiang haba ki la kwah katne ia ka jingbha.

Liaw:— Phi ong yn leit, Lit?

Alis:— Kata lada phin leit ma phi. Nga la long ka Mraw jong phi, la jin shi snem.

Larsing:— Wat kren ia kata ka ktien mraw: haba ki dohnud artylli ki la iasoh lang, ka jingim ka tuid na kawei sha kawei.

Liaw:— Kaba dei kata baroh, hynrei ki ktien ka Hui ki la thiag than bad nga sheptieng ioh ka dei ka jingpynthiang na u bymman. Nga shu ong kumne ia kane; hynrei wat leit pyrkhat ba nga tieng ban leit. Ngan leit lada I sngewkwah I Lit ban leit.

Serin:— Ban ym ia buo ktien ia ka kam kaba la beit, nga sngew kmen na duh dohnud ba i Lit in leit phai pat sha ing ka kmie-nah.

Larsing:— Bad nga kyrmen ba ka jingbha na ka jingiasoh jong ngi or ing kan ktah ia ka sor Shillong baroh kawei. Ka bha ba ngin ia pra noh. Serin, leit iathuh ma phi ia kane ba i Lit pat in thoh da ka shithi?

Serin:— Nga tharai ka bha ban leit lam ma nga ia kane ka khuber basuk.

Alis:— Lada in leit i Serin te yn lei heit.

(Ki ia mih).

Jaka— 9 Halo riat Sunapani.

Rung u Mihsngi bad ka Hui.

Mihsngi:— Wat ktah ia nga pha ka bym khuid.

Hui:— Ngan bat triang ia phi, nga i kum ba phin pynnoh ia lade sha riat, phi la khie lamwir ne kumne?

Mihsngi:— Phi la sagewthuh bakla ia ka khubor jong ki khyndai najrong ha kato ka sngi ba ngi ia leit lawbah.

Hui:— Ki long ba phin jop ia ki nongshun

baroh, bad ba phin leit ia lehthma
 bad ki snaiap shapoh ramew ha kaba
 ka tyngka jongki ka dei da u rnga, ki
 sier ki skei jong ki ki puit, u daloi
 jongki u dkhan, u sangot ka
 kit-bru, bad u Syiem da u tyrpud, **phin**
 ialeh thma bad ki snaiap, hynrei phin
 jop bad phin wan phai pat sha nga.

Mihnsngi:- Ka khlieh jong nga ka king. Ki ong
 kum no kumto? Hoodid, ki ong ba ngan
 leit phai pat sha ki bad nga dei ban
 shong da u kulai iong bad ba ngin
 riam da ka jaiñiong baroh shi rynieng
 haduh ka jaiñspong haduh ka boh
 khaila. Nangta keiñ kin sa treh iakren
 bad nga. Ah nga sheptieng, nga shep-
 tieng. Ah ka khun jong nga, hangno
 ka khun phrang sngi jong nga? Hang-
 no ko step ba phyrnai jong nga, — **Ko**
Lit jong nga. Ko Lit jong nga. Hangno
i mei jongphi.

Hui:- To keiñ noh katto, ia noh sha ing. I Lit
 jongphi katta i la ap. Mynta ka miet
 i Lit ~~in~~ wan ha ing jong ngi, in riam
 lieh baroh shi rynieng ryngkat bad
 i pyrsa-jongphi- i Doktor Liaw be don
 burem. ~~Balephi lshshoh bicit kumne?~~

Ale leit noh, hei phim bit ban thad
bad pyn khlemrain bad pynjah burom
ia lade ha u dieng u maw, wan lap sa
ki brieve - jia la -

Mihngi:- Ngam lah shuh Hui ban leit phai
bad pha. khie phet ieh ngan sah
marwei hangne bad iap noh syndon.
Ko Lit to ale bad nga. Ko khun, Ale
wan khmih khadduh ia u kpa ba la
jot. Ale leit on ia nga sha i kmie
jong phi. Dei namar ka Hui ba nga
la pynjot ia lade katue, dei namar
jong ka la dkut ka jinglong khun jong
phi bad la u kpa, dei namar jong-
ka ba phi la dei ban phet bad leit
shong basa sha ing ki brieve. Wow
nga sngew leh rain ko khun jong nga

Hui:- Ale kloï. Kito ki brieve shi kynhun ki
la wan shajan jong ngi. Ieng kloï,
ioh lap ba ki poi bad shu khlem rain.
Ianoh sha ing, to ynda poi ha ing ngin
sa ia pyrkhat kumno ban pynwai noh
ia kane ka jingjinjar jongphi. Ieng
joit, ai nang kyrshan manga.

Mihngi:- Ngam lah shuh, wow ka khlich jong
nga ka la king sat, ka jingpang jong

ka met bad ka jingktang ka mynsiem
 ka la bam lut ia ka rynieng jong nga.
 Ngam sgew lah shuh ban khie- Wow
 ko Lit, shano ki sngi ba phyrnai ki la
 leit?

Hui:— Ieng kloi, wat leh kyrthlup kumne
 kum u wang shoh bieit: wow ki briew
 ki la wan poi shajan. (ka khyllie ia u).

Ki briew ki poi

Rangbah:-1 Wa i Babu Mihsngi—Balei i shong
 tyrkhong kumne.

Hui:— I ud pang, nga ialam kai ia i shane
 bad i ud pang eh. Yn leh kumno,
 ngam nang pyrkhath shuh.

Rangbah:-2 Ym dei shuh ban sah hangne. Ialam
 ia i kloi kloi sha ing, phi la dei ban
 wad jingtip kloi na ki doktor tang
 shu poi ha ing.

Mihsngi:- Wow. ka khlieh jong nga ka king
 eh, bad ka shadem jong nga ka
 thnam. Ki jingat phyllang ki
 kyndeh, ko Lit tang ba ngan iohi

khadduh ia wai ia phi shuwa ba
 ngan iohthiah noh. Ko Lit-ko step
 bathian-to wan jngoh ia nga. Ko
 ui, to phet na nga - nga kwah iohi
 tang ia i Lit, ko khun ale wan 'ba
 jingshai ia nga.

Rangbah:- 3 I khot ia i Lit i Alis mo. I kynmaw
 tang ia i kongthei, phi la dei ban
 leit rah ia i bran bran sha ing. Im dei
 shuh ban sah ha kane ka jaka.

Ale ngin iarah noh ia i sha ing.

(Ki ia rah ia i.)

Jaka 10. Ha ing ka Hui.

Rung u Syntan bad ka Symbriah

Symbriah:- Ki la jah slem. Ki la leit kai sha
 Sunapani naduh ar baje janmiet.
 Balei kim ia wan poi, sa ban dap 6
 baje, la kem iongrein ka bneng, ki
 jong u doktor Liaw bad ka Alis ki
 la pyntip ban wan poi 7 baje. Kata
 tang sha kynmaw.

Syntan:- Hynne ka sngi i pyrsa i thangtong bad i tlot shibun. Im man leh shait. Ka iathuh ka Hui, ka ja mynstep ruh im shym ktah.

Rung ka Serin.

Serin:- Ym i long shuh i babu Mihsngi. I kyllon ha Sunapani, ki ia lap ki briew ia i bad i kong Hui, bad ki lah pynkit sha Civil Hospital. I la tlot eh, ki mut ban wallam sha ing bad leit khot doktor, hynrei ka shim por ban leit ia kynduh doktor, ki la shu rah beit sha Hospital. I shu khot phawar kyrteng tang ia ka Lit, i ong ka Lit, ka long tang maka ka step jong i.

Syntan:- Ka sngi ba sniew ka la wan lyng-khuh ha ing jongngi, ngi la nang ia pynkhreh ia ka party mynta ka miot ban pyniashem ia ki jong i doktor bad i Lit bad ngi ha ing. Khreh ngin leit noh sha Hospital Alis, Serin bad Symbriah, namar ba kane ka la long serious eh, pyndam noh ia kane ka kam Serin.

Ki ia mih

Jaka-11. Ha ing u Larsing.

Alis:— Tip balei i Liaw im wan poi shuh katta? Ladap 6 shipawa, ngi dei ban poi 7 baje ha ing i papa.

Larsing:— Tip ioh i la don kam. Itai i Liaw i la poi ha khyrdop

Rung i doktor Liaw

Liaw:— Ym don jinekyrmen shuh. I papa jong phi Lit i don ha tmier ka jing-iap. Nga tang shu mih myntan na Civil hospital, nga shu ia kynduh ia ki briew, ki wan kit ia i babu Mihsngi na Sunapani, i ia leit kai bad ka Hui hynne, i khot sa tang ia ka kyrteng jongphi Alis. Ia khreh ngin ia leit.

Als:— Ka jingshaiong! baroh ka pyrthei ka long kaba shaiong. Nga nang mut, kane ka miet kan shai pat bad une u lyoh iong uba kah ia nga un leit noh. Nga la mut ban leit iasuk bad i papa bad wat ia i meinah ruh nga la mut ban iasuk. Hynrei shuwa

ban iapoi ka la wan kylla ka nohsib
jot. Wow ko papa baieit jong nga.
Shu kyndit mo phi la khie ka pang.
Tang U Blei uba tip bad iohi ia ka
jinglong jongphi mo papa.

Liaw:— Alle ko Alis—wat pynleh nohei ia
ka por kloi kloi.

Ka Alis ka wan -ki ia mih baroh.

Ka jingleh kaba Lai

Jaka-1—Ha Laitumkhrach.

Liaw:— Ka la bha shibun ba phi la kiar ban
bam ban dih ha ing ka Hui ha kine
ki sngi shuwa ban tep ia i papa jong-
phi. Ka Hui ka ong ba kane ka jingjia
baroh ka long tang namar ka Alis ka-
ba la shet shukor bad lehbein ia la u
kpa ba lah ba iai. Ka ong ba u la
kit lang ia ki jingkthang sha ka jing-
tep. Nga sngew wer wer ba ka la
tim la tla la biang ia nga ruh bad
ba ka da kwah eh ba ngin ia lait
noh. Ko Alis balei katne ki jing
tynduh

ki ban iaphi. Hynrei ko Alis jong nga, phi dei maphi ka bneng jong nga. Phi long maphi u tiwdohnud baphuh tang marwei, jar jar phi san bad phi puh ha ka rynieng ba la buh da u Blei. Hynrei ia kane ka lad la plie da u Blei hi ba haba phi la duh ia la u kpa, phi la shem ia la u lok uba kloi ban iakit lem ia ki jynjar bad jingtynjuh kiba phi shah. Katba nang phrang ia phi, katta nangthiang ka jingieit jong nga. Ia ka Serin phim bit ban shariah: phim dei shuh ban leit kiew sha ing ka Hui lane sha ing u Lar-sing lano lano ruh. Kynmaw ia u ingtyrkhong bad ia ka kti ki dusmon. Nga hi ngam shym la kloi ban pdiang ia ki jingkhoh leit ka Hui iaphi bad nga, ha kato ka miet ba khlad i pa-pa jongphi. Phi te phi la jan koh-nguh, ban da dei ba leit aiu kan jia? Nga sheptieng ia ki jing pynthame u bymman, hynrei to sngewnguh ia u Blei ba u la pynlait ia phi.

Ans:-

Ko Liaw jong nga, nga la lait shi-sha na ki khnam ba nep bad ki sop jadu jong ka Hui bad ka Serin

lada dei ba ka Serin ruh ka iasbet ia nga). Hynrei u shiah u dung ia nga shi lynter bad uta Liaw, u dei ki jing pangnud pangnam ia ka jingkhlad jong i papa bad ki jingshah ban beiñ bad ki jing tynjuh bad ki jing shah shitom jong i ha ki sngi khadduh. Nga pangnud haba i mei i khlad noh, hynrei nga sngewhun namar ba nga la kit ia i haduh kaba kut. Hynrei ia ka jingbha, jinglehsbun bad jingieit i papa, daei pat ngan siew kylliang. Ki jingsngew kynjah bad jingtmanng ki bat ianga ryngkat bad ka syrngiew i papa—hynrei tang haba don maphi nga shem ia ki oasis hapdeng ki ri shiap ba lanot bad ba thait. Wow, ko papa, lano ngan iashem pat ia phi. Ko Liaw kynrad, ko ksiar jong nga, shah ngan dem jahthait ha ka shadem ba khlaiñ jong phi.

U Liaw:—Koit, ko Alis bathiang, katba ngin pat lah pyndep bad pynskhem, ngan sa buh ki nongsumar bad ki nong synran ia phi. Hynrei lada phi mon te sa pher aiñ lada ngin iathoh jar-jar ia ngin ia leit lang arngut hi ha khmat u pastor ba un pyniathoh ia ngi.

Alis:— Ho-oid, lada ia pyndep te sa pher aiu? Hynrei ngam pat sngew dei ban leh ia ka. Lashai ngan leit sha shnong bad hadien ar bnai ngan sa wan pat.

Liaw:— Nga ia kubur. Nga hi nga sngew ka kham bit ban wan manga sha shnong bad ngin ia pyndep ia ka hadien khyndiat taiew mo Alis.

Jaka 2—Ha ing ka Hui

Syntan:— La lait junom na ka kti u Mukta, ngi la dei kloï kloï ban pyniathoh ia u Sorbong bad ka Bria katba u Mukta u dang don hapoh ka jing-bishar. Kumno Bria phi la sngew dei ban ia pyndep ia kane hapoh kane ka taiew?.

Bria:— Nga la kulmar thlim. Shisha nga la lait na u Mukta, hynrei ka jingieit ia u ka dang shong khet ha dohnud jong nga. Hynrei ban ia kaba shu sah marwei shi lynter, ynda ia pyndep ruh yn lei.

Syntan:— Un ym wan phai u Mukta. Nga la pyntip ha ka aiñ ba u Mukta u la ialait bad phi bad um lah wan leh trai khlieh shuh halor jongphi bad ha ka iñg jongnga. Nga la aiti ha ki pulit ba kin peit ia ka iaid ka ieng jongu.

(wan rung ka Hui)

Hui:— Phi la tip Briah ba u Dr. bad ka Alis ki la iathoh. Ki leit iathoh sha shnong. Phi i kane ka Alis ka bym kheĩn briew - u kpa u dang shu khlad dang shibit, hynrei ka riew khlem-raiñ-ka lah da ia shong syndon bad u.

Syntan:— Yn leh kumno haba ka la wan shat hi ka nusib bha ha ka.

Hui:— Em, lada u Mihsngi u dang im, ngan jin da la lah pyndut dam ia kane baroh. U Liaw ruh u bym komti; u la idur bad ba gwa lut ki kynthat bad u la ba gwa la ka Serin ruh u la khrech bad watter ka Briah ruh u la nyn jawedat la biang.

Shu leh nobei lut ka nlan jong nga—
iap shuwa u kpa jong ka bad sa ka

iathoh kurim ka khun jong u bad u Doktor. u riew don kyrdan bad don spah.

Syntan:— Ngam don interest shuh ha ki kam jongki, hynrei to ngin iabuh sngi lano ngin ia pynbiang ia ka Briah.

Briah:— to ngin ia pyndep noh hapdeng artaiew.

Syntan:— To keiñ khun, lehse phi la ia beit ban ia poi kurim bad u Sorbong, wat leit khmih shuh shawei sha ar. Ia u Mukta phi dei ban klet noh syndon bad iuhroit ia u ha ki jing-kynmaw jongphi. Nga shu shohbieit hi ngain haba ki iathuh ia nga ba phi la ia bakla bad u mynwei. Kynmaw u dei u riew thala bad u dakait sat. Hynrei namar ba nga donbor ha ka balang kum u Tymmen Basan bad nga tip bha ia ka aiñ thanat bad ka shari, nga la shu pynjah noh ia u. Ban da kumwei phi la poi sha ka leh-raiñ bad jah burom shirta. Ia u Mukta ngam lah shuh ban pdiang ha ing jong nga.

Hui—

Lada phi la iabeit lang te nga ruh-
nga ia kubur. Ko Briah phan khuslai
lei ma pha haba nga don ma nga.
Ki khadu bad ki kynjri ksiar ba bun
byllai ba u la ai bad iehnoh u Mih-
sngi, ki don bad nga.

Ki ing ruh u la buh pynap ia nga.
Nga la ioh khur lut bad ksiar bad
khyndew bad spah na u. Ngam shym
bynñiaw ba u la iap namar nga sngew
la biang shwa nang ban ioh ia ka spah
ka hajar bad kyntu ia u mynba u
dang im. Hynrei nga dang sat ia ka
Alis bad ngan sa wad kput shisien
ka sngi halor jong ka. Ka iathuh
ka Serin ba ki briew ki iap ngiah
haba ki iohi ba ka iaide bad u lok
jong ka. Ki ong ba ki ibiang bad i
iaidei naduh ka dur haduh ka rynieng
bad haduh ka snieh doh. Ki ong i
kum shi para haba ia iaide ma ki. Nga
la donbor katto halor u kpa jong ka
bad rga la shu ioh kam kynti ia ki
jingdon jong u, hynrei halor ka
khun jong ka khlem kha ka ioh
pam daw syndon da u briew uba i
thik kum u khun syiem.

Sytan:— Ko khun . phin leh aiu ban kymaw shuh ia ka Alis? Katto ka la kut keiñ ka jingiadei, bad ngi baroh. Klet noh bad wat pynshitom jingmut shuh. Hynrei mynta nga la dei ban pyrkhat bha kumno nan ia khawai dawai na ka bynta ka Briah. Nga hi ia u Sorbong, ki mat ong uba khleh bieit, nga i hun ba un long pyrsa kurim, nalar ba u long u 'riew don nia, u don ruh, ka spah. Ka Briah ka la tip hi la ka kam kumno ban pynbeit ia u lada donkam hadien habud. To khun nang pyrkhat, ngan nang leit noh ma nga sha la kamra. Nga la sngew khriat bad thait, ngan da leit diñ noh da jingcib khyndiat.

(U la leit aoh)

CHECKED

LAKUT

State C. Trial Library
Shillong.

Hills Co-operative Printing Press Ltd.
Keatinge Road, Shillong - 1.

Printed 1966